

四庫全書

經部

欽定四庫全書

經部

春秋左氏傳補註卷一至五

詳校官監察御史<sub>臣</sub>查善長

給事中<sub>臣</sub>溫常綬覆勘

總校官知縣<sub>臣</sub>繆琪

校對官學正<sub>臣</sub>翁樹棠

謄錄監生<sub>臣</sub>周培

欽定四庫全書

經部五

春秋左氏傳補註

春秋類

提要

臣等謹案春秋左氏傳補註十卷元趙汭撰  
汭尊黃澤之說春秋以左氏傳為主註則宗  
杜預左有所不及者以公羊穀梁二傳通之  
杜所不及者以陳傅良左傳章旨通之是書  
即采傅良之說以補左傳集解所未及其大

旨謂杜偏於左傳良偏於穀梁若用陳之長以補杜之短用公穀之是以救左傳之非則兩者兼得筆削義例觸類貫通傳註得失辨釋悉當不獨有補於杜解為功於左傳即聖人不言之旨亦灼然可見蓋亦春秋家持平之論也至杜預釋例自孔穎達散入疏文久無單行之本今從永樂大典哀輯始復為完書陳傳良之章旨世尤罕覩所採錄略存

梗概固考古所亟取矣乾隆四十六年九月  
恭校上

總纂官臣紀昀臣陸錫熊臣孫士毅

總校官臣陸費墀



春秋左氏傳補註原序

春秋魯史記事之書也聖人就加筆削以寓其撥亂之權惟孟子為能識其意故曰其事則齊桓晉文其文則史其義則孔子曰竊取之矣此三者述作之源委也自三傳失其旨而春秋之義不明左氏於二百四十二年事變略具始終而赴告之情策書之體亦一二有見焉則其事與文庶乎有考矣其失在不知以筆削見義公羊穀梁以書不書發義不可謂無所受者然不知其文

之則史也夫得其事究其文而義有不通者有之未  
不得其事不究其文而能通其義者也故三傳得失雖  
殊而學春秋者必自左氏始然自唐啖趙以來說者莫  
不曰兼取三傳而於左氏取舍尤詳則宜有所發明矣  
而春秋之義愈晦何也凡春秋之作以諸侯無王大夫  
無君也故上不可論於三代盛時而下與秦漢以來舉  
天下制於一人者亦異其禮失樂流陵夷漸靡之故皆  
不可以後世一切之法繩之而近代說者類皆槩以後



世之事則其取諸左氏者亦疏矣況其說經大旨不出  
二途曰褒貶曰實錄而已然尚褒貶者文苛例密出入  
無準既非所以論聖人其以為實錄者僅史氏之事亦  
豈所以言春秋哉是以為說雖多而家異人殊其失視  
三傳滋甚蓋未有能因孟子之言而反求之者至資中  
黃先生之教乃謂春秋有魯史書法有聖人書法必先  
考史法而後聖人之法可求若其本原脈絡則盡在左  
傳蓋因孟子之言而致其思亦已精矣汙自始受學則

取左氏傳注諸書伏而讀之數年然後知魯史舊章猶賴左氏存其梗槩既又反覆乎二傳出入乎百家者又十餘年又知三傳而後說春秋者惟杜元凱陳君舉為有據依然杜氏序所著書自知不能錯綜經文以盡其變則其專修左氏傳以釋經乃姑以盡一家之言陳氏通二傳於左氏以其所書證其所不書庶幾善求筆削之旨然不知聖人之法與史法不同則猶未免於二傳之蔽也嗚呼使非先生積思通微因先哲之言以悟不

傳之秘學者亦將何所實力乎第左氏傳經唐宋諸儒  
詆毀之餘幾無一言可信欲人潛心於此而無惑難矣  
間嘗究其得失且取陳氏章指附於杜注之下去兩短  
集兩長而補其所不及庶幾史文經義互見端緒有志  
者得由是以窺見聖人述作之原凡傳所序事多列國  
簡牘之遺名卿才大夫良史所記其微辭奧旨注有未  
備者頗采孔氏疏暢而通之諸牽合猥陋有不逃後儒  
之議者亦具見其說以極夫是非之公焉若夫不得於

經則致疑於傳務為一切之說以釋經而無所據依以  
持其說則豈杜氏陳氏比乎故三傳之外不可無辨證  
者惟二家他說固不暇及也新安趙汴序

欽定四庫全書

春秋左氏傳補註卷一

元趙汭撰

隱公

是以隱公立而奉之

陳氏曰傳言惠公再娶以起禍奉桓為太子自謂攝主皆隱之志今

按傳於魯公子皆詳其母貴賤與君父寵愛之私以見禍亂所由起蓋所得列國史志猶可考也禮諸侯一聘九女諸侯不再娶見莊十九年公羊傳諸侯立子之制見隱元年何氏註後見文六年啖氏曰左氏得魯晉宋齊楚鄭等數國之史編次年月以為傳記又廣采當時文籍故兼子產晏子及諸國卿佐家傳并卜書夢書及雜占書縱橫家小說諷諫等雜在其中雖是非交錯混然難證能令百代之下頗見本末因以求意經文可知

元年春王周正月

春秋雖修史為經猶存其大體謂始年為元年歲首為春一月為正月加

王於正皆從史文傳獨釋王正月者見國史所書乃時王正朔月為周月則時亦周時孔氏謂月改則春移是也後於僖公五年春記正月辛亥朔日南至昭十七年夏六月記太史曰在此月也日過分而未至當夏四月是謂孟夏又記梓慎曰火出於夏為三月於商為四月於周為五月皆以周人改時改月春夏秋冬之序則循周正分至啓閉之候則仍夏時其經書冬十月雨雪春正月無冰二月無冰及冬十月隕霜殺菽之類皆為記災可知矣汲冢周書有周月解亦曰夏數得天百王所同商以建丑為正亦越我周作正以垂三統至於敬授民時巡狩祭享猶自夏焉其言損益之意甚明經書春烝春狩夏蒐以此蓋三正之義備矣而近代說者往往不然夫以左氏去聖人未遠終春秋二百四十二年以及戰國之際中國無改物之變魯未滅亡傳於當時正

朔豈容有差而猶或有為異論者何也蓋嘗考之曰殷  
周不改月者據商書言元祀十有二月而秦人以十月  
為歲首曰夏時冠周月者則欽建子非春而孔子嘗欲  
行夏之時也按太史公記三代革命於殷曰改正朔於  
周曰制正朔於秦曰改年始蓋正謂正月朔謂月朔何  
氏公羊註曰夏以斗建寅之月為正平旦為朔殷以斗  
建丑之月為正雞鳴為朔周以斗建子之月為正夜半  
為朔是也殷周即所改之月為歲首故曰改正朔曰制  
正朔秦即十月為歲首而別用夏時數月故曰改年始  
其言之已詳漢書律歷志據三統歷商十二月乙丑朔  
旦冬至即書伊訓篇太甲元年十有二月乙丑朔伊尹  
祀于先王以冬至越第行事其所引書辭有序皆與偽  
孔氏書伊訓篇語意不合且言日不言朔又不言即位  
則事在即位後矣凡新君即位必先朝廟見祖而後正  
君臣之禮今即位後未踰月復祠于先王以嗣王見祖  
此何禮也暨三祀十有二月朔奉嗣王歸于亳是日宜

見祖而不見又何也所謂古文尚書者撮拾傳會不合  
不經蓋如此說者乃欲按之以證殷周不改月可乎又  
言後九十五歲十二月甲申朔旦冬至無餘分春秋歷  
周文王四十二年十二月丁丑朔旦冬至後八歲為武  
王伐紂克殷之歲二月己丑晦大寒閏月庚寅朔三月  
二日庚申驚蟄周公攝政五年正月丁巳朔且冬至禮  
記孟獻子亦曰正月日至七月日大寒在周之二月驚  
蟄至在商之十二月在周之正月大寒在周之二月驚  
蟄在三月夏至在七月而太初歷其在立冬小雪則曰  
於夏為十月商為十一月周為十二月唐人大衍歷追  
算春秋冬至亦皆在正月孰謂殷周不改月乎陳寵曰  
陽氣始萌有蘭射干芸荔之應天以為正周以為春陽  
氣上通雄鳩雞乳地以為正殷以為春陽氣已至天地  
已交萬物皆正蟄蟲始振人以為正夏以為春蓋天施  
於子地化於丑人生於寅三陽雖有微著三正皆可言  
春此亦歷家相承之說所謂夏數得天以其最適四時



之中爾孰謂建子非春乎乃若夫子答顏子為邦之問則與作春秋事異蓋春秋即當代之書以治當代之臣手不當易周時以惑民聽為邦為後王立法故舉四代禮樂而酌其中夫固各有攸當也如使周不改時則何必曰行夏之時使夫子果欲用夏變周則亦何以責諸侯之無王議桓文而斥吳楚哉何氏哀十四年傳註曰河陽冬言狩獲麟春言狩者蓋據魯變周之春以為冬去周之正而行夏之時以行夏之時說春秋蓋昉於此然何氏固以建子為周之春但疑春不當言狩而妄為之辭至程子門人劉質夫則曰周正月非春也假天時以立義爾則遂疑建子不當言春此胡氏夏時冠周月之說所從出也先儒見孟子謂春秋天子之事而述作之旨無傳惟斟酌四代禮樂為百王大法遂以為作春秋本意在此故鄱陽吳仲迂曰若從胡傳則是周本行夏時而以子月為冬孔子反不行夏時而以子月為春矣何氏之失又異於此故子朱子以謂恐聖人制作不

如是之紛更煩擾錯亂無章也薛氏又謂魯歷改冬為春而陳氏用其說於後傳曰以夏時冠周月魯史也是蓋知春秋改周時為不順而又移其過於魯爾然謂魯有歷實劉歆之誤按律歷志言劉向所總有黃帝顓頊夏殷周歷及魯歷為六歷自周昭王以下無世次故據周公伯禽以下為紀自煬公至緡公冬至殷歷每後一日則由歷家假魯君世次逆推周正交朔之合否因號魯歷非魯人所自為明矣宋書禮志又言六歷皆無推日食法但有考課疏密而已是豈當代所嘗用者哉劉歆惑於襄哀傳文遂謂魯有司歷而杜氏因之謬矣然說者亦自病夏時周月不當並存故直謂春秋以夏正數月又疑若是則古者大事必在歲首隱公不當以寅月即位其進退無據如此固不足深辨而或者猶以為千古不決之疑則以詩書周禮論語孟子所言時月不能皆合故也夫三正通於民俗久矣春秋本侯國史記書王正以表太順與頒朔告朔為一體其所書事有常

繫月者有當繫時者與他經不同詩本歌謠又多言民  
事故或用夏正以便文通俗書乃王朝史官記言之體  
或書月則不書時或書時則不書月況偽孔注二十五  
篇決非真古書其有合有否皆不可論於春秋周禮所  
書正月正歲皆夏正也諸官制職掌實循二代而損益  
之其著時月者又多民事與巡狩烝享自夏者同故仍  
夏時以存故典見因草蓋非赴告策書定為一代之制  
者皆得通言之則又不可論於春秋矣若論語言莫春  
不改時孟子言七八月之間旱十一月徒杠成十二月  
與梁成在左傳後則周改月猶自若竹書又記晉曲沃  
莊伯之十一年十一月魯隱公之元年正月也竹書乃  
後人用夏正追錄舊史故與春秋不同然亦未嘗輒以  
夏正亂春秋之時月也蓋殷周改時月與所損益只是  
一理如尚齒之由貴德而貴富而尚親親迎之由庭而  
堂而戶大事之由昏而日中而日出之類皆是迭進法

所以順天道通世變在當時自不為異故孔子以為百世可知非徒曰以易人之觀聽而已彼秦人以三代為不足法既不足以知之而後之蔽於今而不知古者亦不足以言之也自啖趙而後學者往往習攻左氏而王周正月為甚以其尤**不書即位攝也**傳言史不書即位害於經特詳著焉

不知禮有攝主之義妄以隱為讓說者因疑傳言攝為非孔氏曰膏肓何休以為古制諸侯幼弱天子命賢大夫輔相為政無攝代之義昔周公居攝死不記崩今隱公生稱侯死稱薨何因得為攝者周公攝政仍以成王為主直攝其政事而已所有大事稟王命以行之致政之後乃死故卒稱薨不稱崩隱公所攝則位亦攝之以桓為太子所有大事專命以行攝位被殺在君位而死故生稱公死稱薨是與周公異也且公羊以為諸侯無攝鄭康成引公羊難云宋穆公云吾立乎此攝也以此言之何得非左氏下傳曰公攝位而欲求好於邾是位

亦攝也所以異於正君者元年不即位行還不告廟不臨惠公之葬不成聲子之喪尊仲子為夫人薨則赴於諸侯又為之立廟此是譙之實也蘇氏曰禮記曾子問君薨而世子生如之何孔子曰卿大夫奉攝主於西階南面古者天子諸侯卿大夫世子未生而死若生而弱未能君也則其娣姪之子次當立者為攝主故隱公亦攝主也黃先生曰先君失禮再娶非臣子所當議隱公攝位以俟桓長得事之宜不可言讓

**貴之也**

陳氏曰傳釋未爵命之君恒稱名於是**非公命也**傳見特書字且見春秋之初諸侯猶稟王命

有不書之法蓋指策書正史言之非公命不登于策所以重正史而致其嚴故杜氏謂小事簡牘而已左氏世為國史凡經不書而簡牘有據者悉取以為傳其經首所發不書之義皆史例也外事如崩薨卒葬盟會侵伐勝敗禍福經不書而未得其說者間亦推史例以釋之蓋其所知者惟此而已由策書正史夫子所據以施筆

削者左氏亦未及見故不能有所發明此經旨失傳之內也杜氏修傳例以釋經凡傳見其事而經無者於內

則曰非公命不告廟於外則曰從赴告不赴告遂以史例為經義而不復知有聖人筆削之權諸稱書不書先

書故書之類槩以為孔子新遂惡之史記鄭世家姜氏意故啖趙以後說者皆非之

難及生夫人弗愛譏失教也陳氏曰傳難之也陳氏曰蓋以為難產也

書奔例且言以克為重今按此春秋特筆也杜氏以為夫子改正舊史孔氏謂準魯史之法惟當書鄭伯之弟

段出奔共其說皆是蓋辭遂為母子如初於此見傳無首卓異非史氏所及也

不盡出諸國史記後蔡姬且子氏未薨故名傳以宰咺蕩舟曹共觀裸之類皆然

宰周公之比故必貶而後名之春秋不以名號為褒貶在魯史亦無責王臣之義左氏見魯史有以貴之而書

字者若邪儀父是也。有以卑之而降爵者，若杞子是也。因執之以為褒貶之法。此一字褒貶之繆所從起也。孔氏曰：周官宰夫凡邦之弔事，掌其戒令，與財幣器帛。既掌其事，或即充使。吳先生曰：王朝中士恒稱名，宰者其人之姓，皆得之。陳氏曰：緩且子氏未薨，故名以下疑後人增益之。雜記有大夫士計於他國之君之禮，則不但同位外姻也。且文九年，秦人歸成風之襚，傳曰：禮也。諸侯相弔，賀雖不當，事苟有禮焉，書也。以無忘舊好，則贈不及尸，弔不及哀，非禮也。豫凶事，說者多疑傳妄。朱子與文公傳自相違，今不取。國君即位，夷不告，故不書。夫子筆削是據策書所有策為碑之類。夷不告，故不書。夫子筆削是據策書所有策。十一年，莊二十九年，傳例為證，已得其旨。陳氏誤以左氏不書之例為筆削之法，因謂左氏所記皆為魯史舊文，其不見于經者，悉夫子所削。遂疑隱十一年傳例為後人依倣，既非經旨，亦失傳意。後傳之蔽在此，由不知。

述作本原故也

亦不書

啖氏曰春秋紀異多矣何必為災乃書

太子少

黃先生曰傳見惠公

在時桓公已稱太子

不見公亦不書

弗臨改葬不見衛侯傳因見隱攝之實

公孫滑

出奔衛

凡賤者奔史不書魯史之法大夫非卿名氏不登于策穀梁謂之卑者公羊謂之微者公子尊

與卿等公孫降於公子與微者同

鄭人以王師

傳見鄭為卿士私用王師史不書非王命後見

五年凡王師令不及魯亦不書陳氏云隱桓以來王師皆不書非也

虢師

虢畿內封國與王師同伐

衛南鄙

傳見經或不悉書凡不悉書皆以舉重見義鄭伐衛不書舉重見下年

亦非公命

也

傳三發非公命及公子翬固請會師見隱攝位之初諸大夫不知稟畏

非王命也

陳氏曰傳

釋不書使今按此亦史例

公不與小欽故不書日

陳氏曰傳見崩薨辛葬以日月為例



非必不書日皆以公不臨喪也今按此不書日亦史例也其公實不與小飲而書日者事變不同非恤典薄也杜氏釋例論之甚詳至於崩薨卒葬亦不能推以知例陳氏於此略發其端竟亦不復深考他書盟會征伐等皆以日月為例乃筆削之法左氏學者所不及知說見屬辭其君臨大飲禮說見襄五年二年司空無駭入極魯司空卿官無駭公孫也以攝卿書名穀梁傳曰隱不爵大夫是也傳於魯卿每不書其官此見無駭不闕屬而未得其說故見其官以明為卿猶未敢以入國發貶例後於顰溺乃云疾之無據明矣說又見後四年孔氏曰春秋之例諸名書於經皆是卿也傳言司空故知無駭是魯卿又王制云上大夫卿則卿亦大夫也故註多以大夫言卿其名見紀子帛陳氏曰子於傳而註云大夫者則其爵真大夫也帛裂縞字蓋杜氏意之三年赴以庚戌故書之說者多學者遂以駭左氏誤矣

按盟會戰伐經書月日傳每略之不書月日者傳則詳  
之意在互文相備非無所據者其崩卒偽赴亦必有考  
借令構虛亦不至是陳氏曰義同隱元年且見崩卒從  
赴後見桓五年陳侯僖七年惠王十四年齊舍襄十  
九年齊侯二  
十八年靈王  
**故不言葬**  
孔氏曰此傳故上三事故下三  
葬乃反哭反哭之後始祔三者依事之先後為文也至  
書於經則夫人與薨共文故先言不稱夫人後言不書  
葬順經之先後為文也薨者夫人之死號不稱夫人必  
不稱薨小君者夫人之別號不稱夫人必不得稱小君  
蓋赴祔二禮果行一事則具此三文所異者若不書葬  
則小君之文無所施耳今按成尊以赴同為重故赴于  
諸侯則稱夫人者仲子是也成喪以反哭為重故不反  
哭則不書葬者孟子是也聲子二事皆不行故不稱夫  
人亦不書葬此於史例必有所考惟祔姑則與書法無  
與蓋聲子仲子皆非適本不當祔非宜祔而不祔也仲

子稱夫人不待祔姑則聲子不稱夫人何關於不祔乎  
後世固有妾母而祔者若適母則無不祔之理定十五  
年定如卒傳曰不稱夫人不赴且不祔也蓋由聲子不  
祔而意具或然觀此年傳例三事與書法銓配無序而  
仲子薨無傳豈非所考史例有為公故曰君氏攝女君  
未備者乎說又見定十五年

之稱此特筆王貳于虢洪氏曰左傳議論遣辭頗有害  
也說見屬辭

王孫蘇夫以君之於臣而言貳與叛晉平戎于王單襄  
公如晉拜成劉康公徵戎將遂伐之叔服曰背盟而欺  
大國不義甚弘事劉文公故周與范氏趙鞅以為討夫  
以天子之使出聘侯國而言拜成謂周於晉為欺大國  
諸侯之卿跋扈於天子而言討皆於名分為不正今按  
下云交質交惡並稱周鄭又云結二國之信無復君臣  
之辨周衰大義不明故記事者亦昧於倫理又其事或  
出雜書小說故語無尊卑韓宣子見魯春秋曰周禮盡

蓋在魯矣

鄭公子忽為質於周

質子雖史不書此

又取成

周之禾

周四月令二月麥豈可取傳欲見平王崩鄭首

下言秋取禾與宣七年赤狄取向陰之禾同杜於彼知

闕秋者以苗秀乃名為禾夏則無禾可取也於此乃訓

秋為夏五月而遷就其說也傳書時每有不異下月者有重書

八月而遷就其說也傳書時每有不異下月者有重書

時以起事者其書月日亦多有不合於經者有自相牴

牾者杜氏於宣二年傳注則以為傳無較例哀十二年

傳注則以為傳本不以為例故不皆齊同況此無經

之傳豈能無失由注文護短近人遂疑傳雜夏正

鄭交惡

陳氏曰為桓五年王伐鄭

昭忠信也

凡傳中所

云者義皆膚淺與其序事之精如出二手蓋其序事精

鑿者皆史志成文而斷論則左氏之陋見也杜註每曲

為之義固不足深辨後儒併其事實一切疑之則又過矣

**王未葬也**

言未葬則求賻之由與不稱使

不名之義皆見 **命以義夫**

此事當以公羊之說為正陳氏曰

**嬖**

**人之子也**

陳氏曰傳見州吁不稱公子按劉侍讀曰諸弑君公子而不稱公子公子之未為大夫者

也其義當與齊無知同皆史例也

**四年衛人來告亂**

陳氏曰傳言所以書過

**公子**

**馮出奔鄭**

陳氏曰凡公子奔非其罪不書今按前言使馮出居於鄭原宣公之意而言此言出奔又

自莊公忿怨言之兩通其義也

**圍其東門**

陳氏曰傳言經所以不書圍與成十七年晉圍鄭襄十年

楚圍宋同義今按經言伐鄭傳言圍具東門是不成圍也當於成十七年發例

**五日而還**

陳氏曰凡

還不書見莊八年襄十九年特書今按師還雖史不書以侵伐戰敗自足見義也惟襄十九年晉士句侵齊至

穀聞齊侯卒乃還為不成侵故史詳其所至書還善不  
伐喪非達例若莊八年書師還乃夫子改公至之文為  
國諱惡與  
史法不同  
宋公使來乞師  
陳氏曰傳見外乞師  
不書惟晉特書之  
翬帥師

疾之也

葉氏曰傳不明不氏及帥師之義但見翬弑君  
者疑其疆而自恣經直書翬帥師與後言公子

翬者異其辭若貶然故妄意之今按翬與無駭溺俠稱  
名皆當從二傳未爵命為正左氏不知此義見翬溺不  
書屬而事惡皆曰疾之至桓三年翬始稱公子不得其  
說則曰修先君之好故曰公子由所考史法未備又不  
能闕疑  
取其禾而還  
書伐則敗之不  
書策書舉重  
衛人立晉衆也  
公

傳曰稱人衆之  
所欲立也義同  
五年公將如棠觀魚者

孔氏曰魚者猶  
言獵者今按古

字魚  
通陳魚而觀之

經言矢魚傳言陳魚以陳訓矢也周  
官獸人掌以時戲戲與魚同言陳設

啟人之事也杜註意未盡故說者皆從二傳經作觀魚  
朱子曰春秋征只書征伐只書伐不曾恁地下一字據  
傳公不射則天魚是將弓矢去射之此說與葉氏同古  
者季冬命漁師始漁天子親往射魚出淮南子時則訓  
如此則魚為如字然傳載僖伯諫翼侯奔隨陳氏曰為  
辭甚詳而但曰陳曰觀必有所據翼侯奔隨莊十六年  
王命曲沃伯為晉侯張本見晉自獻公以前經皆不書  
今按獻公末年晉魯始通前是告命不行非作經時削  
之衛人以燕師伐鄭上年書四國再伐鄭繼書衛人殺  
也衛人以燕師伐鄭州吁立晉則大義已明諸侯罪惡  
自著故鄭衛而立哀侯于翼傳見王室猶能廢置諸  
連兵不悉書侯後又見莊十六年公  
問羽數於衆仲陳氏曰傳言經大夫四士二公穀皆云  
公六諸侯四劉侍讀曰衆仲不知諸侯名位不同禮亦  
異數因天子八佾遂兼稱諸侯六佾其曰士二亦非也

特牲少牢皆士禮也無用舞之處安得二佾而施之周  
禮舞師之職凡小祭祀則不興舞小祭祀王者服玄冕  
之祭也士服玄冕反舞之乎衆仲之誤無疑其說蓋主  
二傳汪仲裕曰樂舞之數自上而下降殺以兩諸侯既  
降於諸公則諸伯常降於諸侯而為二佾矣子男復何  
用手禮經所記廟堂之制袞疏席數五等諸侯皆同豈  
以樂舞而獨異其制乎此說與劉氏異蓋主衆仲然劉  
氏言士無用舞之處汪氏言五等諸侯佾數不當有異  
皆據周禮可宋人取邾田陳氏曰外取伐宋入其郛陳氏  
正三傳之失宋人取邾田陳氏曰外取伐宋入其郛陳氏  
曰入郛皆不書至宋人使來告命凡微者雖接我六年  
文十五年齊特書宋人使來告命史不書後倣此六年  
鄭伯侵陳陳氏曰隱桓之際侵未見於經今按下年記  
陳鄭交誼盟且成昏則此侵或不告凡侵人  
者亦未必自告陳魯無盟好告命或未通皆所  
當知其筆削之旨舉重不悉書不得有二義公為之



請糴於宋衛齊鄭

陳氏曰傳言常事雖內不書今按京師於列國不可言告糴既實是糴不

得言歸粟又不可但言告饑來者微故皆不書于策凡言饑言告糴皆非常事

七年謂之禮經

據經諸侯不同盟者凡五十二人不書名九人餘並書名故僖二十三年傳又曰赴以名則書之然儒者皆不信其說今推較經傳以求當時事情則未同盟而名者必姻鄰同姓諸大國也其相與者素厚則未同盟而赴以名不為卑春秋之初小國之君未同盟則不名者宿杞滕薛是也其相與者薄而得禮焉則雖小國不為簡其後無不名者不敢為異也春秋之末未同盟而赴以名後復不名者秦也秦處西戎始焉於赴告之禮猶未能詳其後以遠於我而相與者薄又得禮焉則雖不同於姻鄰諸大國亦不為簡也比事考之乃知左氏不誣但春秋之後周典散失左氏采合殘缺傳以已見略示凡例凡五十條杜氏一切定為周公所制而不考其不

通於經則亦陋矣

### 結艾之盟也

傳釋列國之聘有三一結好二結盟三通嗣君今考結好而聘

者則有報若莊二十五年陳女叔來聘而冬季子如陳是也結盟與通嗣君而聘者皆不報蓋禮薄與交聘異也若伯國之聘與國秦楚之窺上國而來者其事體又各不同傳皆隨事釋之蓋猶有考也

宋及鄭

平

陳氏曰凡平不書至宣十五年始書之

盟于宿

凡平而後盟不書亦史例也

陳五父

如鄭泣盟

外泣盟市淺不告

八年不祀泰山也

劉氏曰註云桓元年乃卒易祔

田知此入祔未肯受而有之非也經云入祔者既入之矣又何未肯受而有之乎桓元年傳云鄭伯以璧假許田為周公祔故也此自傳誤隱公時鄭人歸祔者鄭自欲與隱公也桓元年以璧假許田桓公以許田與鄭真易璧也傳乃并而言之謂鄭人以祔易許不願隱八年已有我入祔之文今按易地之說三傳如一而穀梁傳

尤詳不應其誤適同以傳證經知左氏不誤春秋書外  
歸邑未有書我入者經既書鄭來歸昉復書我入昉何  
也蓋昉遠於鄭鄭不能有而請易于魯魯人慮昉不服  
故以兵入焉亦如蘇忿生之田桓王不能有而後與鄭  
陽樊之田襄王以與晉不服而後圍之公羊傳曰言入  
難也穀梁傳曰入者內弗受也左氏傳例曰弗地曰入  
其說皆是實未能有其地也杜氏謂魯未肯受而有之  
固昧二傳之旨劉氏以入昉為遂有其地由輕弗地之  
訓於經書入昉之義皆失之桓元年傳曰鄭人請復祀  
周公卒易昉田則我入昉後事嘗中輟桓公篡位而修  
好于鄭故復許之無可疑者近代學者率謂昉與始作  
許田是二事遂疑祀周公為左氏附益不亦過乎始作  
卿士于周陳氏曰傳申會于溫春秋諸侯之事有不以  
言鄭號之陳會于溫告而史不書者有雖告  
而併入所重書之者凡一役再有事理亦無不告者會  
溫以瓦屋之盟為重併下事書之筆削舉重之義蓋取

諸此杜氏但以爲不告後人遂疑傳妄皆公命以字爲

展氏

陳氏曰傳言不書族有非必貶之者因見春秋之

子展之孫非也若無駭真公子展之孫當其繼大宗也

賜氏

久矣何待死而後賜氏乎且禮云公孫之子以王

父字爲氏非言其死而後氏之也然則無駭固公孫羽

父請族者

爲無駭之子請也若公孫之子死然後賜族

則無駭爲終身無氏矣

九年平地尺爲大雪

劉氏曰經有電無霖傳不解

經杜氏專謂經誤不亦惑乎三日之雨豈非常者若雨

三日以往

必書是二百四十二年三日雨者一而已陳

氏曰凡例義

以王命討之伐宋

傳見王命猶討不鄭人

以王命來告伐宋

伐宋不書王命者王人不出則經無異文也

北戎侵鄭

春秋

之初戎狄侵中國不書齊桓既伯始書之鄭人大敗戎師

陳氏曰隱桓莊閔春秋凡中國敗戎

狄不書至僖三

十年盟于鄧為師期

此盟與下老桃之會不書杜氏皆以

為不告廟然公既親其事理亦無不告廟者蓋既會而盟為師期與襄二十七年傳趙孟子哲將會而盟以齊

言相類既盟而會師非復期會皆以中丘為重

羽父先會齊侯鄭伯伐宋

陳氏曰傳

言齊侯鄭伯見君將貶書人今按一役再有事略稱春秋初無一字褒貶之義杜氏謂君臣不當同貶稱人

凡經書人而傳見是君大夫將者或以為別使微者將或以為以微者告由惑於褒貶故也

公會齊

侯鄭伯于老桃

陳氏曰為下文公敗宋傳舉重不悉書今按此實史例說見前

辛巳歸

于我

陳氏曰傳言經蔽罪于魯

正之體也

見前

鄭伯入

宋

自宋公欲以諸侯伐鄭去馮連兵至此其報復之禍烈矣然禍首在宋而鄭實有王命故春秋誅首惡而

忽兵之過不悉書

討違王命也

先儒頗疑此為鄭人矯假以經證經凡外入國不日而入郕書

日與晉侯入曹同法經固有以別之矣

十一年許莊公奔衛

陳氏曰凡諸侯被兵而出

書者不

奉許叔以居許東偏

陳氏曰傳言經所以書入

宋不告命故不

書

歸枋之後魯鄭同心仇宋宋宜不告魯鄭必以告也傳不知經有舉重不悉書之義惟以史例推之故不

通不書于策

曰告則書曰不書于策顯發史例陳氏弑誤以經旨格之故以傳例為後人依倣弑

公子寯氏

陳氏曰傳言經不書喪地

不成喪也

傳言不以君禮成喪故史不書葬陳氏謂

修春秋者不成之為君誤矣定似不書小君王子猛卒同

桓公

元年凡平原出水為大水

陳氏曰凡例義淺今不取

鄭伯拜盟

陳氏曰終越盟傳言

拜既拜辱拜嘉之類非必君身親之杜說非是今案若鄭伯身來與吾君接無不書之理 華父督父督字也如言弗父何公父歌與孔父嘉五世別族者不同督公孫也無賜族之法宋太宰位六卿下一命恒稱名陳氏謂隱桓莊春秋美而豔傳惑於小說每類此 二年凡賊皆名之非也

遂弑殤公

葉氏曰孔父宋卿督其大夫殺卿取妻猶居位不去待君怒而始懼不近人情甚矣今案

下文宋殤公立以後事覈語猶已盡其罪為欲妄解書法遂贅此數語

故先書弑其君

傳不

知以君及臣之義

立華氏也

言立以為卿注謂未死賜族非也莊三十二年傳立叔孫氏注云立

後說者亦謂賜族然叔牙之子經書公孫茲茲之子得臣乃氏叔孫則非賜族明矣彼非賜族則此言立華氏豈賜族乎  
**召莊公子鄭而立之**  
陳氏曰立不書隱四年昭二十三年特書之  
**不忘**

**諫之以德**

陳氏曰傳言桓公繼故羽父不討哀伯雖不斥言意已獨至

**始懼楚也**

陳氏

曰為楚浸疆張本今案史記楚世家蚡冒弟熊通弑蚡冒而代立三十五年伐隨謂隨人曰今諸侯皆為叛相侵或相殺我有敵甲欲以觀中國之政請王室尊吾號隨人為之請尊楚王室不聽三十七年熊通怒曰吾先鬻熊文王之師也早終成王舉我先公乃以子男田今居楚蠻夷皆率服而王不加我位我自尊爾乃自立為武王楚武王二十九年魯弑隱公則討不敬也  
代隨在桓六年稱王在桓八年也  
**討不敬也**  
者魯人責其玉帛之將不備而為之  
**策勲焉禮也**  
告廟飲至策辭傳固錄實非所以釋經  
**勲乃反行常**



禮皆同時於廟中行之策勲即書至襄十三年春公至自晉傳曰孟獻子書勞于廟是其事也亦由告廟飲至然後書至不告廟飲至則不書至也傳于桓十六年至自伐鄭曰以飲至之禮也皆非杜氏釋不書至者以為不告廟蓋本此不知書至有筆削也說又見宣五年

來稱會成事也

此晉史舊法陳氏舉以筆削求之故不取

啟曲沃伐翼

陳氏曰於此見傳追書之體

三年故曰公子

劉氏曰非修先君之好而

稱公子多矣今案成十四年傳發稱族舍族例此下無以夫人至之文故別生此義可見傳例多無據

四年執

芮伯以歸

陳氏曰王執諸侯不書因見秦自穆公以前皆不書今案秦自穆公以前告命不通於魯

五年再赴也

陳氏曰傳申言卒日月例今案此乃史氏傳疑之法亦所以避不敏趙氏疑甲戌下當記

陳佗作亂事今簡脫之蓋不知經有兩下相殺不書之義

文公子佗殺太子免而代之

陳氏曰不書殺免凡太子未即位遇害不書

王亦能軍

傳見周衰天子自將以征諸侯陳氏曰不書敗

績于鄭為天子諱

仍叔之子弱也

來聘在夏釋在秋伐鄭後者由下重言秋錯誤

也杜氏因謂久留在魯過矣孔氏

閑螫而烝

三代正朔不同故一以節

氣為限

過則書

書以志慢亦魯史舊法考獲麟後時祭不書可見如時祭悉書于策亦不勝書矣

遂

不復

張氏曰州公與祭公同州必畿內之地河內州縣是也今案州公既如曹先使告魯故書明年但書寔來

以六年楚武王侵隨

陳氏曰楚事始見于傳至莊十年敗蔡始見於經蓋自楚王熊達以上皆畧不

書今案熊達即熊通自熊達以上楚未與魯通傳具載其伐滅小國志在兼并諸夏見中國不可無伯齊桓所以有功

使魯為其班後鄭

劉炫氏曰使魯為班明魯在矣見經不書陳氏曰凡諸侯交成雖內不書

七

年名賤之也

傳釋邪儀父書字曰賁之祀書子曰卑之故以二君書名為賤之鄧穀遠國于魯無

朝事之禮與邪祀事異以賤之稱名非人情也由其初不相通隨即滅亡特名以詳之且以別於與國之來朝

者

八年王命虢仲立晉哀侯之弟緡于晉

陳氏曰王命諸侯不書今

按王室不以立緡告諸侯晉又不告立君史亦無由得書

九年惟王后書

孫氏葉氏陳氏皆以

莊十八年傳見惠王后陳嬀宣六年傳見定王后齊姜駁例與傳違按二后皆見於傳何苦自相違異蓋傳例

乃魯史舊法二后非魯主昏故夫子削之特存魯主昏者以見義

十年故虞公出奔共

池畿內諸侯不與魯通傳博采衆籍為虞滅起本

齊人以衛師助之

趙氏曰魯以周班後

鄭既是正禮鄭亦小恨豈至與師又經五年後方合諸侯報此小怨乎今按齊方圖紀而魯為紀歸女于天子

此齊之所怒但以魯桓新昏于齊故使鄭忽以舊怨為辭耳左氏追錄往事多未備亦或舍大言小不可驟斥為王爵也諸侯以爵序大夫各如其班魯史恒法也自非伯者無以主兵先諸侯之例傳贅杜說非

十一年盟于惡曹

此齊衛鄭稱人即上文戰郎諸侯也用一事再見書人例經無宋傳衍文

宋亦不當叙鄭下註云經闕非

祭封人仲足

陳氏曰傳見祭仲足不書名則書字有非必費之者

有寵於宋莊公

陳氏曰傳言宋莊公見執貶書人今求按凡執恒稱人稱君者經變文也

賂焉

春秋之初諸侯以貪起亂其後伯主以貪廢法其末也晉大夫以貪失諸侯傳具見其事

十二

年句瀆之丘

燕人在會傳欠考後年春戰有燕人蓋黨于宋

遂帥師而伐宋

陳氏

曰傳見公在不書鄭伯書師今按此一事再見用衆稱師之例不書公蒙上文

十三年不書所

戰後也

杜氏曰所者期戰所在之地也孔氏曰兩敵將戰必豫期戰地紀鄭已與齊宋先設戰期公不

及設期而及其戰此地非公所期故不書劉氏曰公雖不及其會期而及其戰期自當舉戰地何故反沒戰地

乎今按會期輕戰期重劉氏駁之是矣傳見此年戰不書地僖二年城楚丘文七年盟于扈皆不序諸侯而不

得其說俱以後至釋之至文十五年盟于扈十七年會于扈復不序則又別生他義傳例出於一時傳會明矣

說並見後筆削之旨見屬辭十四年書不害也鄭漁仲曰廟祀必十

則築盛已出康壬申致齋取牛首陳氏曰傳見自桓公之初己亥嘗非災之餘也春秋外取邑皆不書

十五年諸侯不貢車服陳氏曰按周官九貢有服貢傳未必左氏之舊今按周官雖左

氏亦未嘗見弗克而還實不成納陳氏十六年以飲至考傳可知謂不書納誤矣

之禮也

說見前

書時也

杜氏曰下有十一月此城向亦

書之耳經書夏叔弓如滕五月葬滕成公傳云五月叔

弓如滕即知稱時者未必與下月異也啖氏曰按下有

十一月縱是同月亦今之九月農工未畢不可興役今

按土功自成事至畢功非止一月之事故城築皆時而

不月蕪春秋城築多為備敵興工得時非時本無足議

傳既發不時之義於此言書時疑若美之故為後人所

議

又殺之

陳氏曰凡殺

立公子黔牟

陳氏曰不書立黔牟以朔奔為義

十七年又何謁焉

陳氏曰傳言得公命

蔡人嘉之也

蔡

不名與季子許叔同皆經變文以別於有罪者傳不知

經有筆削惟以父法推之故不通陳氏曰傳釋凡歸皆

識也於是特書字

因

以見十五年許叔

官失之也

官即日官天子掌歷者

之失致日食不在正朔故經不書日意與公穀不異後  
於文元年記閏三月又襄十七年記再失閏昭二十年  
二月記日南至哀十二年十二月云火猶西流  
皆見東周歷法無傳劉歆所總六歷俱非古法  
日官居

卿以底日禮也

孔氏曰周禮太史掌正歲年以序事頒  
告朔于邦國然則天子掌歷者謂太史

也太史下大夫非卿傳  
言居卿則是尊之若卿

弑昭公而立公子亶

鄭弑君不  
書者魯人

君突而絀  
忽鄭不告

十八年齊人殺彭生

陳氏曰殺彭生不書嫌  
討賊也杜氏不書非卿

說非是公子書殺不必皆卿今按史  
既諱戕書薨則殺彭生必不復書

齊人殺子亶而轅

高渠彌

不書義  
同昭公

遂與王殺周公黑肩

陳氏曰不書殺周  
公凡天子殺大夫

不書

春秋左氏傳補註卷一



欽定四庫全書

春秋左氏傳補註卷二

元 趙汭 撰

莊公

陳氏曰莊公自元年至七年及十九年以後訖終篇無傳疑有佚墜

元年文姜出故也

啖氏曰遇弑則嗣子廢即位之禮左氏不達其意而云文姜出故也不舉

其大而舉其細今按傳於莊閔傳不書即位發義不一皆未當當從二傳繼弑君子不言即位為是姜氏與弑而還不知在何月史記亦言夫人因留齊不敢歸其歸而復孫則由父兄百官衆怒羣誚責以桓公見弑之由應無告廟書至之禮其孫而復還則莊以孤童思之於內而仇襄以勢脅之於外而歸之爾以後不書其至乃

筆削之旨孔氏曰傳言不稱即位為文姜出故則即位之日文姜未還經書三月夫人孫于齊則是來而復去若經無還文即言留齊不反則自是以後亦無絕不為還文二年夫人會齊侯于禚豈復自齊會之哉

**親禮也**

夫人不稱姜氏承上文公與夫人姜氏如齊用一事再見之例略之此經之變文也夫人罪宜

絕但傳以去姜氏發義則非左氏先儒取二傳為說言莊公為父絕母得禮尊父之義而未盡杜氏謂文姜宜與齊絕愈失之矣以後會齊侯為外禮也趙氏曰為讎如齊師悉書姜氏又何說乎

**為外禮也**

主昏縱在城

外豈為禮乎今按齊襄賊魯桓魯人責姜氏而歸之齊襄將親迎於魯之國都以禮接於其廟其中豈無所忌哉於是魯為築館於國門之外而後親迎曰在喪改築者為之辭也王姬至以夏而秋方築館歷三時乃歸于齊于外三年疾之也辨已見前陸氏曰不命之緩也非禮明矣

**三年疾之也**

卿例不書氏不可別為義緩也

桓十五年春天王使家父來求車三月乙未天王崩則  
求車者所以共喪具也然桓王猶七年乃葬者王室衰  
微莫甚於此時天子之喪禮備費重諸侯賻賔不歸故  
久弗克葬觀平王崩武氏子來求賻而魯遂不會葬則  
諸侯怠慢不臣可見矣然則穀梁傳紀於是乎始判孔  
云却尸以求諸侯者亦當時之情也  
曰傳言紀侯不能下齊以與紀季非叛也紀亡之後叔  
姬歸于鄭明為附庸猶得專鄭故可歸也附庸之君雖  
無爵命而分地建國南面  
之主得立宗廟守祭祀  
鄭伯辭以難  
是鄭伯即厲公說見胡氏今按杜氏疑下年遇垂鄭伯  
為子儀按齊侯殺子亶而祭仲立子儀子儀非齊侯所  
立陳侯又突之黨二國必不成子儀為君而與之會過  
此鄭伯為厲公無疑杜氏并失傳意說又見十四年過  
信為次  
傳見宿師非過信不  
書說者議之皆過  
四年違齊難也  
陳氏曰傳  
見紀侯所

以不五年未王命也

陳氏曰傳釋書名有非必貶之者

納惠公也

陳氏曰不

書納以朔入為義

六年王人救衛

傳見特書字

衛侯入

陳氏曰按傳言諸侯納朔

書入見成十八年國逆例非是

為不度矣

劉氏曰朔比行黜年比剽氏君剽而退黜年存朔而絕

衍賞罰無章莫此為甚今按左氏斷論與所序之事不合者多此以二公子立黜年為不度與後譏隨以漢東

諸侯叛楚為不量力同故君子譏其文姜請之也

葉氏曰經

言衛侯傳作衛寶公穀亦作衛寶故杜氏遂疑經誤按經云齊侯來獻捷楚宜申來獻捷傳以捷為俘則經蓋

以俘為寶以捷為囚當從經不必改俘為寶也胡滅之氏曰商書稱俘厥寶玉則俘者正文寶者釋辭也

陳氏曰於此見傳終書之體今按傳七年不害嘉穀也

記楚滅凡十一國見宣十二年傳注

傳釋書大水不言饑也宣十年秋大水冬饑此年秋大水但言無麥苗而不言饑者以黍稷可更種也劉氏疑不害嘉穀是水不為災不應書大

八年治兵于廟禮也

劉氏曰治兵非其時何謂禮乎廟中非治兵之地若師出先謀於廟則可今按孔氏謂治兵于廟者告於廟習於巷也但傳終未盡入其所謂禮者往往取一節

公曰

不可

陳氏曰傳言公在書師胡氏曰傳稱仲慶父請伐齊師莊公不可是國君上將親與圍郕之役也今

按或云此乃公在國之言非也隱五年傳郕人侵衛牧故衛師入郕則郕近衛使公果在國慶父何以請伐齊

師君子是以善魯莊公

書師書還皆經變文為國諱恥傳謂善莊公杜氏謂因史舊文

由不達變

生公孫無知

傳見無知不稱公孫

二人因之以作亂

陳氏

曰傳見連稱管至父實弑君而蔽罪無知奉公子小白出奔莒陳氏曰公子奔非其罪不

書例在隱四年餘放此且見小白不稱公子奉公子糾來奔史記襄公次弟糾奔魯其母魯

女也次弟小白奔莒其母衛女也也故來奔而魯納之魯女班常在衛女上則子以母貴

而次又居長見糾應立可補傳文之闕罪雖接我亦不書杜氏不書皆非卿也說非是經書公

子不必九年齊無君也皆卿孔氏曰齊大夫來盟于莒直是子糾之黨來迎子糾小白之黨

猶自向莒迎小白也若其舉國同心共推子糾來迎即宜付之不須以盟要之今既與盟而興師送糾是各自

有黨須伐乃得入也昭十三年傳稱桓公有國高以為內主則國子高子是小白之黨也陳氏曰傳言大夫不

序有非必桓公自莒先入見晉叔向論桓公所以得國者

貶之者

桓公自莒先入

見晉叔向論桓公所以得國者

少好善大夫高僕及雍林人殺無知議立君高國先陰召小白於莒及魯發兵送子糾至齊則小白已入亦有國高內應故得先入立孔氏曰彼迎小白既早公送子糾又遲公伐齊納子糾始行即書小白入齊得告乃書故至齊之時出小白之後也吳先生曰小傳乘而歸陳氏曰傳見公在不白之立蓋齊國公議為社稷計也

### 鮑叔帥師

陳氏曰傳見鮑叔書人今按鮑叔非卿齊殺子糾亦不得蔽罪一人

公從之

管子小匡篇曰桓公自莒反於齊使鮑叔牙為宰鮑叔辭曰君有加惠於臣使臣不凍餒則是君之賜也必若治國家則非臣之能也其唯管夷吾乎公曰管夷吾親射寡人中鉤殆於死今乃用之可乎鮑叔曰彼為其君勤也君若宥而反之其為君猶是也公乃使鮑叔行成管仲至於堂阜之上鮑叔被而浴之三桓公親迎於郊遂與歸禮之於廟三酌而問為政焉外傳齊語桓公問曰昔吾先君襄公築臺以為高位田狩罩弋不聽國政

卑聖侮士而唯女是崇優笑在前賢材在後是以國家  
不日引不月長恐宗廟之不埽除社稷之不血食敢問  
為此若何管子對曰昔者聖王之治天下也參其國而  
伍其鄙定民之居成民之事桓公曰成民之事若何管  
仲對曰四民者勿使雜處處工就官府處商就市井處  
農就田野少而習焉其心安焉不見異物而遷焉是故  
其父兄之教不肅而成其子弟之學不勞而能夫是故  
士之子恒為士工之子恒為工商之子恒為商農之子  
恒為農其秀民之能為士者必足賴也桓公曰定人之  
居若何管仲對曰制國以為二十一鄉桓公曰善於是  
制國以為二十一鄉工商之鄉六士鄉十五公帥五鄉  
馬國子帥五鄉焉高子帥五鄉焉桓公曰吾欲從事於  
諸侯其可乎管仲對曰未可國未安桓公曰安國若何  
管子對曰修舊法擇其善者而業用之作內政而寄軍  
令焉桓公曰善於是制國五家為軌軌為之長十軌為  
里里有司四里為連連為之長十連為鄉鄉有良人焉



十年齊師伐我

陳氏曰不書來伐義重書敗

齊師敗績

傳序長勺之戰甚詳經書

以為軍令五家為軌故五人為伍軌長帥之十軌為里故五十人為小戎里有司帥之四里為連故二百為卒連長帥之十連為鄉故二千為旅鄉良人帥之五鄉一帥故萬人為軍五鄉之帥帥之是故卒伍整於旅軍旅整於郊祭祀同福死喪同恤災禍共之居同樂行同和死同哀是故守則同固戰則同彊以誅無道以屏周室天下大國之君莫之能禦今按晉文公作三軍三行傳備載之桓公管仲內政之法顧缺弗錄故附見於此

敗者變文也杜氏膠於傳例未陳之說乃曰列成而不得用穿鑿甚矣詳見後

齊師乃還

按檀弓記

乘丘亦戰也義與長勺同說見屬辭

以蔡侯獻舞歸

杜氏以蔡季獻舞為一人何氏桓十七年

公羊傳注曰蔡侯封人無子季次當立封人欲立獻舞而疾害季季辟之陳封人死歸反奔喪卒無怨心以為

二人也然杜氏不從者史記蔡世家但言桓侯卒弟哀侯獻舞立獻舞為桓侯弟則季為獻舞字何氏之說他不見於史傳故左譚無禮也此譚無禮亦杞不敬之類氏先儒俱不取齊桓欲圖伯恐諸侯不從

故滅小國以示威

十一年敵未陳曰敗某師

葉氏曰經書公敗某師于某此內勝

外之辭也傳妄以未陳為義且經書某敗某師于某無有一書戰者豈皆未陳而敗之乎今按凡例蓋魯史舊法故左氏於敗某師皆求未陳而詐敵之事以實之春秋有實戰而不書戰者有敗績而不書敗績者左氏皆不能發義而於未陳書敗執公使弔焉陳氏曰傳言外之甚堅豈非有所據而然乎

齊侯來逆共姬

陳氏曰凡諸侯親迎合禮不書

南宮長萬

陳氏曰傳見南宮萬不書

氏今按傳中如南宮敬叔及東門遂及南郭鉏皆時人因所居稱之非其氏又傳言南宮長而注不言長是何

義周官州長中大夫一人萬反國即為卿則此長應是州長杜氏謂萬氏南宮陳氏因之非也賈氏以為未賜族者得之

吾弗敬子矣病之

檀弓云魯莊公及宋人戰于乘丘縣賁父御卜國為右馬驚敗績公墜佐車授綬御

與車右皆死之孔氏曰記言車右與此不同必如記言則是魯師敗績經安得稱公敗宋師于乘丘傳記不同固當記文妄耳陳先生日記不過言公車敗績而已易車之後因二士死敵遂大敗宋師乃與春秋傳互相發明戰幾敗復勝如韓原之戰幾獲秦伯呂布之卒幾獲曹操者多矣況此不過公車馬驚敗覆乎今按經有不悉書傳或不能備不可以櫛弓所載與經傳不合即云記妄也檀弓又言郟婁復之以矢蓋自戰於升陘始是兩敗也而傳不載亦謂記者妄可哉

十二年蒙澤

楚弑其君虔于乾谿書地此弑閔公于蒙澤不書地者為連書及其大夫省文雖無異義

謂史有詳略亦非

又殺之

陳氏曰殺督不書嫌死節

公子御說奔毫

陳氏曰公子奔不出

竟亦不書今

蕭叔大心

叔蕭大夫字大心其名也傳蕭稱之孔氏曰以此年有功宋人以蕭

邑別封其人為附庸今按昭十一年傳申無宇曰宋蕭毫實殺子游時蕭實宋邑莊二十三年蕭叔無爵而稱朝知

是附庸國也

殺子游于宋

陳氏曰凡討亂不書

宋人皆醢之

殺萬不書以出奔為義蔽

罪於陳

十三年以平宋亂

齊桓威信未著故假平亂之名合諸侯大夫使受伯令

滅遂

而戍之

事與滅譚同微國安知世有伯主之興傳見齊桓急于合諸侯而不務德

宋人背北杏

之會

於伯令必

十四年諸侯伐宋

經文已序則傳皆稱諸侯經總稱諸侯則傳為

序列意與日

齊請師于周

陳氏曰傳見齊初伯稷命天子令按齊桓始伯諸侯未遽服從

必假王命而後定傳見人心不忘戴周

單伯會之

凡王人以內辭書之二傳不知史法誤以單伯為魯

大夫故元年送王姬改送為逆胡氏承其誤遂使桓公  
請命天子之意不彰呂大主氏曰單伯周之世族周有  
單襄公單簡公諸侯大夫無稱伯者如毛伯凡伯召伯  
皆王朝卿士蓋周有單姓魯無單姓經傳固可攷也  
而納厲公殺鄭子不書者魯人終始君突自鄭忽復歸  
後鄭歷二君皆不通於魯故鄭伯入國經不  
書說見屬辭胡氏曰杜氏稱四年子儀稱伯會諸侯非  
也子儀雖乘間得立其為君微矣豈敢輕去國都與諸  
侯會乎故知遇楚入蔡蔡哀侯在楚而蔡人會于北杏  
垂者乃厲公也楚入蔡此荆所以入蔡也傳乃以為由  
息媯故失在禾輯未備舉其細遺其大後十五年齊始  
人因此併其可據者一切疑之則又過矣伯也單伯既  
歸京師桓公始自以其伯主之禮長諸侯  
伯也故再會于鄭而傳曰始伯張氏曰傳言始伯指諸  
侯始定而言然魯未信從衛鄭  
復叛蓋諸侯之心猶未一也十六年鄭伯自櫟入見說

十四 緩告于楚

傳見鄭嘗附楚

殺公子闕

入國不書則殺不

公

父定叔出奔衛

義同上

以一軍為晉侯

陳氏曰天子變置諸侯皆不書義見

詩無衣傳書王命自此蓋少

周公忌父出奔虢

陳氏曰於周公忌父見凡奔者復之則不

書說在文

惠王立而復之

經書葬桓王後王人救衛王姬歸于齊則莊王也單伯會

伐宋會諸侯于鄆命曲沃伯為晉侯則僖王也虢公晉侯鄭伯使原莊公逆王后于陳以後皆惠王事杜氏云

王室微弱不能自通于諸侯非也其莊僖不書崩葬與文十四年頃王不書崩葬皆夫子削之以明義說見屬

辭

十七年鄭不朝也

前年十二月鄭方同盟改歲又使大夫如齊無遽責不朝之理蓋鄭

人於伯主新令有難盡從者如子產爭承之類故齊人執之

十八年實惠后

陳氏曰為王子

帶起諱之也啖氏曰書追明已去而十九年庚申卒陳氏

傳曰傳見楚卒猶未見於經至文元年弑君始書之今

按當齊桓始伯楚人於魯好命不通赴弔之禮未行二

十一年胥命于弭

陳氏曰傳見桓三年齊衛特書

鄭伯將王自圉門入

陳氏曰傳著鄭虢克復則子顏不書立惠王不書出見經於襄王書出於子朝書立於王猛敬王書入不復諱

之及五大夫

陳氏曰凡篡立雖

闕西辟樂備

服虔氏曰西辟

也王巡號守

陳氏曰王狩不書見僖二十八年特書今按惠襄巡狩非省方之比今不及諸侯

始惡於王

孔氏曰鄭伯謂厲公子文公也

二十二年陳人殺其太子御

寇

陳氏曰杜稱太子以實言非是蓋經改正之若殺太子當稱陳侯

成子得政

傳於此見陳氏

之始朱子曰陳敬仲卑萬季友占筮  
皆其子孫假託如後世符命之類

二十三年君舉必

書

傳於此見

諧富子而去之

陳氏曰為殺太子申生起  
傳後見二十四年二十五

年二十五年嘉之故不名

啖氏曰聘者常事有何可嘉  
穀梁云天子命大夫是也陳

氏曰自入春秋非姻鄰之國不交聘  
於是伯諸夏自相為好故曰始

非常也

孔氏曰長  
歷推此辛

未為七月之朔不應置閏而置閏誤使七月為六月也  
按二十四年八月丁丑夫人姜氏入從彼推之則六月

辛未朔非有差錯杜云置閏失所者以二十四年八月  
以前誤置一閏非是八月以來始錯也今按大衍歷是

年正月甲戌小戊戌冬至五月壬申大庚子穀雨六月  
壬寅小庚午小滿經五月癸丑在此月閏月辛未日食

長歷癸丑五月十二日大衍歷與長歷所推每差一月  
至考經書六月朔日食為置閏失所則同學者不通歷



法槩言傳焉且謂春秋用夏正可乎

# 伐鼓于朝

孔氏曰古之歷書止矣漢興以來草創其行三統以

為五月二十三分月之二十而日月交會近世為歷者皆以為一百七十三日有餘而日一食是日食者歷之常也正陽之月陽氣尤盛於此尤盛之月而為弱陰所侵故尤忌之孫氏曰按周禮夏官凡救日皆鼓劉氏曰日有食之變之大者人君常恐懼修省以答天意豈可非正陽之月則安而視之春秋所以書者譏其不鼓于朝乃鼓于社

## 二十六年大司空

傳見晉變周制僭王官孔氏曰言大司空明任

入用牲耳

以卿也直言司空者是大夫即司空亞旅皆受一命之服是也晉自文公以後卿以軍將為名司空非復卿官故文二年司空士穀非卿也成十八年傳曰右行辛為司空使修士蒞之法雖則非卿其職掌同

## 七年出曰來歸

言凡諸侯之女傳見列國史例父母不在而假歸寧之禮以來者亦以歸寧之

例書之也無文以見義非謂

賜齊侯命

陳氏曰外錫命不書今按外錫

命不

二十八年齊侯伐衛

陳氏曰傳見齊侯稱人例在隱十年

楚令尹子

元

陳氏曰子元不書人楚未有大夫也今按中

都曰城

陳氏曰大夫不敢祖諸侯都城無宗廟之制今不取今按春秋書城多矣豈皆有宗廟杜氏欲通之於周禮尤

非左氏惟不見周

官故妄發此例爾

二十九年新作延廡趙氏曰若新作

不常云新也馬雖出入

無曰侵陸氏曰按齊侯侵蔡晉

有時廡何妨農隙脩之

而總數國若無鐘鼓何以行師又狄師亦有稱伐者豈

是能有鐘鼓乎今按侵伐異事如陸氏釋侵曰但行殺掠胡氏則曰潛師掠境又安用鐘鼓為哉外傳晉語趙

宣子曰伐備鐘鼓聲其罪也襲侵無聲為斃事也傳例

蓋本此但左氏語意未備耳

### 不為災不書

傳不知春秋有記異之法啖氏曰蜚非為災之物春

秋記異多矣何必為災乃書孫氏曰春秋災異悉書不

必皆為災也鵲鴝豈為災乎春秋何以記其來巢也

日至而畢

此成周遺制也周室盛時諸侯無備禦攻伐及門觀踰制之事史記土功但見時與不時

而已春秋之世或備難興工或改作踰制時與不時三

豈足復議而左氏但以舊例釋之故說者得議其非

十年歸于京師

陳氏曰執不書義同芮伯傳見僖二十年晉執衛侯成十五年晉執曹伯所

以書歸京師今按天子執大夫不告不入例

以紓國家之難

陳氏曰傳見三

十二年為管仲也

范氏曰小穀魯邑孫氏曰曲阜西北有小穀城高氏曰昭十一年傳申無

字曰齊桓公城穀而置管仲焉此齊穀也非魯之小穀且公雖感齊侯宣為管仲城邑乎蓋齊自有穀如文十

七年公及齊侯盟于穀宣十四年  
公孫歸父會齊侯于穀此齊穀也

于黨氏

傳言諱不書殺

成季

奔陳

陳氏曰奔非其罪雖吾  
公子為命大夫亦不書

閔公

元年亂故也

劉氏曰去年十月子般卒則閔公立至今  
已三月亂亦定矣言亂不得成禮非也且

必若所云何  
以能朝廟乎

齊人救邢

陳氏曰傳言齊桓救邢之緩

請復季友也

姑落

之盟雖曰請復季友若出公意然是時閔公八歲爾哀  
姜慶父專國豈欲季友之歸者故陳氏以為國人為之  
臨川吳氏因謂必魯之世臣有不當權而忠於國如衛  
石碭者深謀秘計告於伯主請復季友故桓公以伯令  
召閔公至齊地而與之盟使若復季友之意出於齊季  
友以伯主之重則慶父不敢去之矣此說深得當時事

情但哀姜慶父事與州吁石厚不同季友既出奔豈有  
如石碣者能自安于內以經傳推之時陳方為齊所厚  
且與魯交好季友又嘗一再如陳其出奔陳蓋有所  
託然則落姑之盟亦季友援陳人以請於齊桓耳

次于郎以待之

陳氏曰凡次不  
書社說非是

嘉之也

陳氏曰於是特  
書字義同蔡李

齊仲孫湫來省難

陳氏曰傳見  
仲孫湫不名

亦嘉之也

陳氏曰傳釋  
大夫恒書名

於是特書族吳先生曰書氏而不名者  
魯人以兩臣之禮接而不以見君也

魯可取乎

魯大  
國非

譚遂之比雖內亂猶有人焉桓公方以救邢為功豈遽  
萌取魯之意葉氏曰魯可取以下乃後世附益之辭其

說是

晉侯作二軍

陳氏曰外改制不書  
今按外改制不告

以滅耿滅霍滅

魏

陳氏曰晉滅三國不書春秋之初楚滅國略不書於  
齊桓公特書之今按晉滅三國在西楚滅諸小國在

南告命皆未通於魯

不可為例說已見前

必復其始

起趙魏事二年公不禁

公即位年八歲豈知

禁其傅者傳疎如此

成季以僖公適邾

傳見季友僖

縊

陳氏曰慶父不書刺義同宋萬今按春秋錄內與錄外異當從杜氏不書卒者罪重於叔牙不以卿禮成

喪遂以命之

氏傳起季

遂滅衛

不書戰故不書君

以廬于

曹

陳氏曰戴公不成君例不書孔氏曰此年之末文公在位計戴公為君不過十數日耳言立一年卒者滅

而後興不是嗣位故成喪為謚文公繼世而立明年始為元年故戴公雖復曰少亦稱一年年表亦以此年為

戴公元年今定本云以其年卒今按定本近是近代本作立其年卒亦未安

以戌曹

說在桓

年重錦三十兩

陳氏曰傳言經

高克奔陳

陳氏曰不書克以棄師為

義

乃事之而屬僖公焉

黃先生曰事如孟子事之以皮幣之事後言敬嬴嬖而私事襄

仲義亦  
與此同

春秋左氏傳補註卷二



欽定四庫全書

春秋左氏傳補註卷三

元 趙汭 撰

僖公

元年公出故也

劉氏曰去年八月閔公遭弑僖公自邾入為君不應猶以出奔之故不得行即

位諱國惡禮也

傳不知經有筆削諸侯救邢陳氏曰經禮故推史例以釋之

傳皆稱

邢人潰

陳氏曰傳言經不書潰

具邢器用而遷之

傳見以自遷為

文說見成

謀救鄭也

經言會傳言盟傳誤自同盟于幽十五年至此九年使齊侯合五國為盟亦

無不書

嘉獲之也

陳氏曰傳釋凡獲非卿不書於之義

女子

從人者也

劉侍讀曰哀姜與乎亂殺二子幾亡國齊桓公討而誅之此伯者所以行乎諸侯之義也

魯以臣子不得討而齊以伯主得舉法

二年諸侯城楚丘而封衛焉

遷國不當

言封益承用俗語故二傳有專封之說

不書所會後也

此穀梁離至不序之例左氏不達妄

謂後期說者疑之且謂楚丘非衛邑

晉里克荀息帥師

陳氏曰傳言里克荀息見滅稱師他

放此今按征伐不在大夫不得有二義

賄故也

虞以天

封國序晉上公羊傳亦謂使虞荀惡皆非

三年蔡人嫁之

歸蔡姬當時適有是事或者假此為

名欲出楚人不意左氏惟記所聞故未盡說已見隱元年及後僖二十三年

四年齊侯以諸

侯之師侵蔡

陳氏曰傳見伯主徵師諸侯皆不書以後放此

西至于河

杜氏釋例曰海

自遼西北平漁陽章武渤海樂陵樂安北海東萊城陽  
東海廣陵吳郡會稽十四郡之東界以東河出西平西  
南二千里從西平東北經金城故北地朔方五原至故  
雲中南經平陽河東之西界東經河東河內之南界東  
北經汲郡頓丘陽平平原樂陵之東南入海孔氏曰杜  
之此言據當時之河耳禹貢導河積石至于龍門南至  
華陰東至于底柱又東至于孟津東過洛汭至于大伾  
北過洛水至于大陸又北播為九河同為逆河入于海  
案驗其地自大伾以上河道不改大伾以下即是汲郡  
以東河水東流秦漢以來始然也古之河道自大伾而  
北過洛水故迹不可復知其大陸則趙地之廣澤也大  
陸以北播為九河故道河間成平以南平原高縣  
以北其九河者徒駭一太史二馬頰三覆釜四胡蘇五  
簡六絮七鈞盤八高津九徒駭最西以次而東故鄭註  
禹貢河間弓高縣往往有其處中候云齊桓伯遏八流  
以自廣計桓公之時齊之西境當在九河之最西徒駭

蓋是齊之西界其東至于海  
當盡樂安北海之東界也  
寡人是問  
史記周紀昭王

於江上其卒不赴告諱之也  
帝王世紀昭王德襄南征  
濟于漢楚人惡之以膠船進  
中流膠液船解王及祭公

皆沒于水中崩令按外傳云  
桓公南征伐楚濟汝踰方  
城望汝山使貢絲于周而反  
荊州與傳不合其終篇亦

大夸故  
楚子使屈完如師  
陳氏曰傳  
五年日南至  
孔氏

至者十一月之中氣中氣者  
月半之氣也月朔而已得  
中氣是必前月閏閏前之月  
則中氣在晦閏後之月則

中氣在朔閏者聚殘餘分之  
月其月無中氣半屬前月  
半屬後月是去年閏十二月  
十六日已得此年正月朔

大雪節故此正月朔得冬至  
也而杜長歷僖元年閏十  
一月此年閏十二月又閏之  
相去歷家大率三十二月

耳杜於此閏相去凡五十月  
不與歷數同者杜推勘春  
秋日月上下置閏或稀或概  
自準春秋時法故不與常

歷同今接傳於此年記正月日至與雜記孟獻子之言  
合後昭十七年記大史與梓慎言之二十一年記梓慎  
之言二十四年記昭子之言皆見周人改月改時致分  
至啓閉不合天正春秋之末距傳成僅數十年正朔未  
改不容有誤近必書雲物孔氏曰周禮保章氏以五雲  
世異議皆過之物辨吉凶水旱降豐荒之  
侵鄭衆云以二至二分觀雲色青為蟲白為喪赤為兵  
荒黑為水黃為豐衆之此言蓋出占侯之書計雲氣之  
占不啻盡晉侯使以殺大子申生之故來告傳見策書  
此而已後凡言來告倣此陳氏曰傳釋申公孫茲如牟娶焉伯趙  
生死在去年冬經書在春他放此不應無譏今按趙氏於  
循曰大夫越境而娶非禮經文不應無譏今按趙氏於  
此亦疑傳妄不知大夫娶妻法不得書史無文以見譏  
杜氏謂因聘而娶會王大子鄭陳氏曰傳見楚鬬穀於  
亦非辨見屬辭鄭不書名

菟

陳氏曰傳見闕  
較於菟書人

虞不臘矣

孔氏曰月令孟冬臘門閭及先祖五祀臘之見於傳

記者唯月令與此二文而已周時臘與大蜡各為一祭  
秦漢改曰臘不蜡而為臘矣今按漢蔡邕月令章句夏  
曰嘉平商曰清祀周曰大蜡總謂之臘史記秦惠文王  
初臘正義云始效中國為之亦明臘不自秦始或疑傳  
作於秦

晉侯圍上陽

陳氏曰傳見  
晉侯書人

其九月十月之交乎

誤矣

傳見三正通於民俗後  
見襄三十年絳縣人

丙子朔

傳見赴告策書惟  
用周正與童謡異虢公

醜奔京師

虢公天子三公京師朝廷所  
在不可言奔傳不知此義

且言易也

林少  
穎曰

不云滅而但云晉人執虞公者聖人不忍周衰諸侯再  
取其地故不斥言而微文以見意見晉人執天子三公  
不道之甚矣

六年鄭所以不時城也

劉氏曰齊桓會諸  
侯于首止鄭伯逃

詳見屬辭

歸不為無辭豈強取新城然後建其  
罪哉今按伐鄭書圍邑陳傳得之  
楚子圍許以救鄭

陳氏曰凡救不悉書傳  
曰楚子見楚君書人  
楚子從之  
陳氏曰傳著無救許  
之實今按微子啟之

事蓋逢伯設辭以動楚君欲其全許耳劉侍讀併疑許  
事為妄誤矣許君內不敢恃諸侯之救外不敢深其怨

于楚故乘其退師自屈以下楚亦當時小國求全之慮  
觀蔡人一會北杏而荆入蔡江黃一盟于貫而楚滅江

黃桓公非惟不能救蔡而亦不能  
救江黃其謂許不楚是事可乎  
七年鄭殺申侯以說

于齊  
張氏曰申侯出自楚專利不厭  
至是鄭用陳轅濤塗之諧殺之  
官受方物  
受所命  
當貢伯

主之物是盟雖曰謀鄭實則以命朝聘之數職官各以  
方物歲時貢獻使太子華臨之聽命為聘伯主之始杜

云當貢天子之物若楚包茅之類諸侯久已不修至是  
齊桓倡義始職貢不乏焉晉悼邢丘之會蓋倣此為之

鄭必受盟

呂氏曰此一事見桓公服人有三代氣象惜其急於功利不終於德桓公自小其規模爾

子華由是得罪於鄭

陳氏曰傳起鄭殺子華事

不發喪而告難于齊

陳氏曰為二十四年王出居鄭傳後見十一年十二年二十二年

八年則弗致也

孔氏曰檀弓

弓曰殷朝而殯於祖周朝而遂葬知周法不殯於廟而此傳及襄四年皆云不殯于廟知其將葬之時不以殯過廟耳殯過廟者將葬之時從殯宮出告廟乃葬非是殯尸於廟中也據哀姜以元年十二月喪至二年五月始葬明至則殯於寢也既殯於寢自然葬當朝廟令按哀姜與弒出奔齊桓以伯令取而殺之諸侯莫不聞雖薨葬皆書于策其赴同衾姑一時必不得備禮如已衾亦不當歷八年不致杜氏膠於隱三年傳例故說者得以議之當知哀姜是以緩陳氏曰傳釋王崩在七年經與他夫人不同



在前世或有之然不過數日之間惠王果以七年崩豈有經一年而子帶不知者以經考之諸侯為襄王謀已見首止洮但尋盟而已傳言襄王定位而後發喪則諸侯已知惠王之崩何為更待十二月以告乎今按傳言襄王定位而後發喪益為下緩告喪張本非謂盟洮後即發喪也又曰難故也是以緩盟洮之後子帶之難猶未靖故大行人詔相諸侯之禮久未克舉乎傳序此事大略他無可考證當闕疑

**九年故曰子**

陳氏曰傳見春秋之公侯曰子趙伯循曰按王猛在喪初未葬猶有稱子者

當稱子陳氏曰按書康王初嗣位稱子末

小子誥諸侯稱子一人釗禮無稱小童者

**王使宰孔**

朝公卿大夫史皆

使孔賜伯舅胙

葉氏曰按是時襄王初立以月計之惠王不名傳每詳之

猶未葬不得有事於宗廟何賜胙之有且展膳之禮以親兄弟之國或小白特賜亦疑在終喪之後而誤記于

此下拜登受

孔氏曰親禮天子賜侯氏以車服諸公奉篚服加命書于其上升自西階東面大史

氏右侯氏升西面立大史述命侯氏降階再拜是此下拜也升成再拜稽首升成拜彼侯氏降階再拜是此下拜也升成

拜是此登受

言歸于好

傳記盟辭即孟子所述之末句其五禁之辭傳不能舉則二伯之事闕漏

多宰孔先歸

陳氏曰傳言宰孔不與盟

晉侯乃還

陳氏曰傳言齊桓之伯晉獨不至

未葬也

陳氏曰傳於武氏子毛伯不稱使晉奚齊不稱君皆曰未葬明未葬不成君天子與諸侯同程

氏曰未葬之說即公羊未踰年之意然既承重則固一國之君矣若曰殺具君之子不同弑君則是殺嗣君於

未葬之時罪可減等難以為訓今按齊舍未葬見弑稱君此策書之恒辭也奚齊未葬稱君之子乃經之特筆

說在齊隰朋帥師會秦師納晉惠公

陳氏曰凡納是吾所宜納不書

利也

外傳晉語既殺奚齊卓子里克及丕鄭使屠岸夷告公子重耳於狄曰國亂民擾得國在亂治民在

擾子盍入乎吾請為子鉢重耳告舅犯曰里克欲納我舅犯曰不可夫堅樹在始始不固本終必槁落不哀喪而求國難因亂以入殆以喪得國何以導民重耳曰非喪誰代非亂誰納我舅犯曰偃也聞之大喪大亂之刻也父母死為大喪讒在兄弟為大亂今適當之是故難公子重耳出見使者曰子惠顧亡人重耳父生不得供灑掃之臣死又不敢涖喪以重其罪且辱大夫敢辭夫國國者在親衆而善鄰在因民而順之苟衆所利鄰國所立大夫其從之呂甥及卻稱亦使蒲城午告公子夷吾于梁曰子厚賂秦人以求入吾主子公子夷吾出見使者再拜稽首許諾呂甥出告大夫曰盍請君于秦乎大夫許諾乃使梁由靡告于秦穆公曰天禍晉國讒言繁興延及寡君使紹續昆裔隱悼播越託在草莽未有所依又重之以寡君之不祿喪亂並臻以君之靈鬼神

降表罪人克服其辜羣臣莫敢寧處將待君命君若惠  
顧社稷不忘先君之好辱收其逋遷裔胄而建立之以  
主其祭祀且鎮撫其國家及人民雖四鄰諸侯聞之也  
其誰不傲懼於君之威而欣喜於君之德秦穆公許諾  
反使者乃使公子繫弔公子重耳于狄曰寡君使繫弔  
公子之憂又重之以喪寡人聞之得國常於喪失國常  
於喪時不可失喪不可久公子其國之重耳告舅犯舅  
犯曰不可亡人無親信仁以為親是故置之者不殆父  
死在堂而求利人孰仁我人實有之我以徵倖人孰信  
我不仁不信將何以長利公子重耳出見使者曰君惠  
弔亡臣又重有命重耳身亡父死不得與於哭泣之位  
又何敢有他志以辱君義再拜不稽首而哭退而不私  
公子繫退弔公子夷吾于梁如弔公子重耳之命公子  
夷吾出見使者再拜稽首起而不哭退而私於公子繫  
曰中大夫里克與我矣吾命以汾陽之田百萬丕鄭與  
我矣吾命之以負蔡之田七十萬君苟輔我蔑天命矣

君實有郡縣且入河外列城五豈謂君無有亦為君之  
東游津梁之上無有急難也匹人之所懷挾嬰環以望  
君之塵垢者黃金四十鎰白玉之珩六雙不敢當公子  
請納之左右公子繫反致命穆公穆公曰吾與公子重  
耳重耳仁再拜不稽首不沒為後也起而哭愛其父孝  
也退而不私不沒於利也公子繫曰君之言過矣君若  
求置晉君而戢之置仁不亦可乎君若求置晉君以成  
名於天下則不如置不仁以滑其中且可以進退是故  
先置公子夷吾為惠公今按里克志在重耳夷吾得國  
不以正秦穆公貪賄而無遠略重耳克讓舅犯有謀其  
事皆見于外傳與大學檀弓所載舅  
犯重耳之言相表裏可補傳文之闕  
**十年蘇子無信也**  
程氏曰叛王即  
狄豈特無信  
**蘇子奔衛**  
孔氏曰尚書立政云司寇蘇  
公成十一年傳曰昔周克商  
蘇怨生以溫為司寇以此知蘇子司寇蘇公之後也國  
名為蘇所都之邑名為溫故溫蘇遞見於經是得兩稱

故晉侯殺里克以說穀梁傳曰里克所為弑者為重耳也夷吾曰是又將殺我乎故殺之

今按夷吾殺里克左氏錄其迹穀梁得其情茂不濟矣為秦納重耳起本及七輿大

夫孔氏曰每車一大夫主之皆里平之黨也陳氏曰傳見殺賤者自祁舉以下不書他放此

今按此史例也十一年晉侯使以平鄭之亂來告傳見書國殺大夫從告蓋

於赴告之文有考自陽處父以下每求其罪以實之則猶未達策書之情陳氏曰傳見殺平鄭雖卻芮之意晉

侯以告所以書國討亦非也春秋諸侯大夫家有藏甲黨與盤據雖其君所欲殺亦必假乎強家以去之與兩

下相殺不十二年懼狄難也陳氏曰終二楚滅黃穀梁同後放此年城楚丘傳楚滅黃傳貫

之盟管仲曰江黃遠齊而近楚楚為利之國也若伐而不救則無以宗諸侯矣桓公不聽遂與之盟管仲死楚

伐江滅黃桓公不能救今按穀梁所記管仲語極切事  
情亦可見桓公於仲猶有未盡其謀者但言管仲死與

左傳不合蓋傳聞失真史記秦穆  
公虜晉惠公之歲管仲隰朋皆卒  
十三年聘于周  
聘周說見

後三  
十年  
齊仲孫湫致之  
陳氏曰雖成京師不書  
晉荐饑  
陳氏曰外饑不書今按外

饑不  
告  
汎舟之役  
陳氏曰為十五年韓之戰起  
十四年諸侯城緣陵而

遷杞焉  
陳氏曰傳言經不  
有闕也  
趙伯循曰此稱諸侯即上會鹹之諸侯前

目後凡爾左傳謂不書其人  
有闕亦誤今按前年夏諸  
侯會于鹹謀杞戌周今此城緣陵遷杞桓德雖衰亦不

可與晉靈失伯不序諸侯例論左氏曰有闕穀梁曰散  
辭陳氏又從而祖述之皆太過蓋諸侯既會而歸改歲

各使其大夫城緣陵故總稱諸侯通前役為  
一事與城楚丘異文者彼蓋微者之事耳  
鄆季姬來

春秋左氏傳補註

寧

傳見季姬歸節來寧皆不書學者不知筆削之旨更以傳為妄

十五年秦獲晉侯以

歸

國君生曰獲死曰滅言獲則不言以歸策書謹嚴從可知也傳言獲又言以歸起下事也

姪其從

姑

周語我皇妣大姜之姪逢公註昆弟之子男女皆曰姪

晉侯歸

國君言獲則得歸不足志與內

言戰不書公至同亦史法也

十六年隕星也

胡氏曰按莊七年已書星隕如雨聖人所書各

以其實豈以星隕而言石隕乎今按經言隕石而不言隕星猶言日有食之不言食之者皆闕於所不見解者當言其實不可謂非星隕也

齊伐厲

不書併上年

救徐而還

凡救不悉書伯者救

中國必足以示名義而後書齊桓親帥諸侯次于匡不能使楚母病徐則雖比年為徐出師無足議者後救此諸救例說

因晉敗也

陳氏曰為僖三十年晉敗狄傳

齊徵諸侯而戍



周

陳氏曰不書義同十三年

鄭殺子華

陳氏曰傳見討姦父之罪雖殺世子不書

不果城

而還

陳氏曰傳見齊侯之怠

十七年以報婁林之役也

齊比年伐厲又伐英

氏皆以徐故不能服楚而唯伐其與國之微者伯業衰矣

婁為宦女焉

陳氏曰為晉懷公起傳

師滅項

傳見不言師杜云公在會別遣師滅項不言師諱之劉炫規之云既不諱滅何以諱師是也然

劉以謂將卑師少稱人不可自言魯人故不稱師亦非將卑師少豈能滅國故傳例曰用大師焉曰滅下年書

師救齊則將卑師衆自合稱師也此不稱師實經變文說在屬辭

會齊侯于卞

張氏曰此管仲

既亡齊桓志荒之政

以薦羞於公

孔氏曰周禮掌食之官有內饗外饗此人為饗官名巫而字易

也五公子皆求立

傳見齊桓內寵無制貴賤不明致諸子爭立相篡奪禍延數世

孝公

奔宋

陳氏曰傳言孝公以父命故出入皆不書

十八年齊人殺無虧

陳氏曰無虧未

成君例不書

鄭伯始朝于楚

二十二年又記鄭伯如楚夫人半氏見鄭故昏于楚於是又納

二女二十七七年見楚昏于衛明中國無伯則諸侯皆聽命于楚矣

圍苑圃

陳氏曰傳見自此伐國不

言圍邑二十六年圍緣之後皆不書矣

十九年宋人執滕宣公

傳見滕子謚諸崩卒

於經無所明而獨舉謚者放此

不相為用

孔氏曰爾雅釋畜牛馬羊犬豕雞謂之六畜周禮校人春

祭馬祖鄭玄云馬祖天駟也六畜之言先祖者唯此一

文而已以外牛羊之等其祖不知為何神也沈氏云春秋說天苑主牛又有天雞天狗

師興而雨

甯莊子設辭以興師

傳見諸侯無討不服也

夏盟曹南曹國之南也曹伯使其大夫與盟而不親會宋公此

謂之不服杜氏謂曹南為自取之也書梁亡非由赴告曹國不服由不致餽皆非

王室亂同二十年凡啓塞從時釋例曰魯城南面三門隱公元年開一門故今

南有四門僖公意更繕治高大稷門非啓塞之義而以日至之後興功故經書春秋傳曰書不時言失土功之時

也啓塞之事猶得從宜而修之今按隱元年新作南門以非公命不書僖公修泮宮新宮災大室屋壞皆合修

亦不書則門戶道橋有司之事鄭公子士洩堵寇傳見

應不登于策此蓋以踰制書人於是衛方病邢為明年秋叛楚胡氏曰隨非楚之屬

矣自是以後楚鬬穀於菟陳氏曰傳見鬬謂行多露張氏

隨卒屬楚曰隨欲復漢東諸侯於中國左氏罪二十一年楚執宋

其不量力未若孟子師文王之論

春秋左氏傳補註

公以伐宋

不書楚人為中國諱

周禍也

孔氏曰此註引昭二十三年傳當云叔孫婁曰徧檢古

本皆作豹字蓋註後即寫誤

二十二年禮也

陳氏曰傳言經不書邾滅蔽罪於魯杜氏為魯

私屬故略不書失之矣

宋公伐鄭

經叙諸侯傳每略之後放此

秦晉遷陸渾之

戎于伊川

孔氏曰昭九年傳曰先王居檣杌于四裔故允姓之姦居于瓜州伯父惠公歸自秦而誘

以來是此戎為允姓也彼註云瓜州今敦煌則陸渾是敦煌之地名徙之伊川復以陸渾為名故至今為陸渾

縣十一年傳稱伊洛之戎同伐京師則伊洛先有戎矣而以今始遷戎為辛有言驗者蓋今之遷戎始居被髮

祭野之處爾

王召之也

傳見天王不能以義制思齊侯為之請已失之富辰之言亦非也舜封象

于有庠而使吏治其國未嘗畱之於帝都子帶志在召寇作亂與象一夫之事不同宥之列國斯可矣乃遷之

京師以起後患謂之  
協具兄弟豈不謬哉  
公及邾師戰于升陘  
陳氏曰傳見不書公  
我

師敗績

傳見不書敗績

弗可赦也已

言天棄商久弗赦其罪

門官殲焉

孔氏

曰周禮虎賁氏掌先後王而趨以卒伍軍旅會同亦如之舍則守王閑王在國則守王宮國有大故則守王門諸侯之禮亡其官屬不可得而知此門官蓋亦天子虎賁氏之類故在國則守門師行則在君左右近公故盡死也  
勞楚子于柯澤  
陳氏曰傳言楚子在師見書人  
二十三年楚成得臣

陳氏曰傳見  
成得臣書人  
遂取焦夷

陳氏曰外取邑不書例在桓十四年後放此

城頓而

還

陳氏曰傳為二十五年納頓子張本

杞夷也

杞成公即五年伯姬以之來朝者既即位終身不敢

朝魯故其卒也魯人降而稱子僖二十七年桓公來朝以公卑之稱子襄二十九年文公來盟以晉治杞田故

魯賤之稱子按晉女叔侯曰杞夏餘也而即東夷杞以國小貧陋簡禮從夷事或有之傳曰杞夷曰用夷禮與言杞不敬不共同皆魯人為之辭爾杜氏謂仲尼以文貶稱子陳氏誤從之蓋不知春秋有存策書大體之義

辟不敏也

說在隱七年

衛文公不禮焉

陳氏曰為二十年晉伐衛傳

薄而

觀之

陳氏曰為侵曹傳呂氏曰桓文所以據楚者必先破其黨與是故桓公據楚必先有事於蔡文公據

楚必先有事於曹衛則曰為觀裸與塊故其病在推尋事姬故於侵曹伐衛則曰為觀裸與塊故其病在推尋事

由毛舉細故而二公攘夷安夏之烈皆晦而不章

公子賦河水

陳氏曰賦詩始於此

二十

四年不告入也

此約所宜納不書之例若曰入國不告則何得獨告惠公卒殺懷公不告乃晉

人諱之

晉侯潛會秦伯于王城

陳氏曰傳見自齊桓之伯諸侯特相會皆不書今按

潛會不告  
不入例

且旌善人

陳氏曰傳積文公還國善事

鄭公子士洩堵俞

彌帥師伐滑

鄭伐滑不書二十年書入滑舉重

而執二子

傳見中國無伯則諸侯無

王

獲周公忌父原伯毛伯富辰

陳氏曰皆以王出為重故不書今按夷狄犯京

師獲大臣史皆不書為王室諱孔氏曰此原伯毛伯蓋是文王之子原毛之後世為王臣仍為伯爵或本封絕滅食采

出奔宋

陳氏曰終十六年殺子華傳

宋及楚平

陳氏曰傳見宣十五年特

書辟母弟之難也

陳氏曰傳釋經不書王子帶

二十五年同姓也故

名

三傳皆同此說學者疑之謂滅異姓何獨無譏且虞號同姓何以不名黃先生曰凡蔣邢茅昨祭周公之

盾成王以周公有大勲勞於天下既已封伯禽於魯又封其支子六人及至春秋時往往為人吞併今邢又為

衛所滅矣邢與魯同出自周公故書曰右師圍溫陳氏

衛侯燬滅邢雖罪衛侯而實繫於魯也曰不

書善晉侯也見昭二王入于王城陳氏曰不書殺之于

隰城陳氏曰殺王子帶乃出其民傳見晉文以功取畿

秦晉伐郤陳氏曰為文五楚令尹子玉陳氏曰傳見納

頓子于頓陳氏曰書納不二十六年齊孝公伐我北鄙

齊孝公書人東門襄仲臧文仲使介不並書史例也文

說非祝融與鬻熊孔氏曰自祝融至鬻熊司馬遷不能

劉炫規杜云計其間有一千二百年乎或傳寫之誤自竄于夔孔

世何以得近一千二百年乎或傳寫之誤



曰傳言熊摯有疾是以失楚明是適子有疾不得嗣位  
楚世家無其事不知熊摯是何君之適何時封夔鄭語

孔晁註云熊繹玄孫曰熊摯有疾楚人廢之立其弟熊  
延熊摯自棄於夔子孫有功王命為夔子亦不知何所

據又何祀焉劉氏曰楚祖鬻熊夔祖熊摯是不得祀者  
也諸侯之祀無過其祖者魯祖周公不敢

祀公劉衛祖康叔不敢祀后稷楚成得臣鬬宜申陳氏  
曰傳

見楚成得臣書人楚令尹子玉司馬子西陳氏曰  
亦書人凡師能左右

之曰以趙伯循曰齊桓晉文用諸侯師悉能左右之  
何不曰以凡不用我師而用彼師曰以也楚

申公叔侯戍之陳氏曰傳言  
魯以齊附楚二十七年杞不共也說見  
二十

年三楚子及諸侯圍宋陳氏曰傳見楚子書人今按楚新  
君大夫稱人說見莊二十八年

昏於衛

傳見曹衛皆已附楚

讓於狐毛而佐之

外傳晉語使狐偃為卿辭曰毛之智

賢於臣其齒又長毛也不在位不敢聞命

讓於欒枝先軫

晉語公使趙衰為卿辭曰欒枝貞慎

先軫有謀胥臣多聞皆可以為輔佐臣弗若也

二十八年晉侯齊侯盟于欽孟

陳氏曰傳見自齊桓之伯諸侯特相盟皆不書

衛侯出居于襄牛

諸侯出不踰境史不書亦

未必

晉侯宋公齊國歸父崔天秦小子憖

陳氏曰傳見三國之君大

夫但書師說在後傳楚成得臣書人令按陳氏以三國稱師為始伯之辭但經書齊序宋上非復宋君齊臣之

叙蓋宋公不親陳齊國歸父未書大夫將不可別為義秦小子憖微史法惟師以國叙陳氏推襄八年傳大夫

不書尊晉侯為例

監其腦

孔氏曰監之為嚏未見正訓蓋相傳為然服虔云如俗語

相罵云 咤汝腦矣

胥臣以下軍之佐當陳蔡

陳氏曰傳見陳蔡不書蔽罪於楚後

見哀十年令按凡諸侯以兵屬夷狄皆不序後見宣十二年唐惠侯成二年蔡景公許靈公蔡方大夫說昭八

年宋戴惡襄十一年秦右大夫詹十二年庶子人九氏孔長無地哀十年邾子邾子說又見宣十一年子人九氏

曰桓十四年鄭伯使其弟語來盟傳稱子人來盟杜云子人即弟語也其後為子人氏七年傳子華云泄氏孔

氏子人氏三族實違君命令子人九氏七年傳子華云泄氏孔必是語之後杜譜以九為雜人誤矣獻楚俘于王陳氏曰獻

于楚之捷于周皆不書今按外獻捷不告先儒以魯春秋為諸侯通史故陳氏踵其誤後若此者不復辨用

平禮也襄二十五年傳鄭子產曰城濮之役文公布命曰各復舊職命我文公戎服輔王以授楚捷

使元咺奉叔武以受盟

陳氏曰傳見叔武書衛子

王子虎盟諸侯于

王庭

傳言王子虎實盟諸侯故翟泉言

無有老幼

說苑晉文

公合諸侯而盟曰無以美妾疑妻無以聲樂妨政

前驅

射而殺之

陳氏曰殺叔武不書非君意也

且明德也

此特筆也穀梁傳曰諱會天王也全

天王之行也庶得經意左氏所記乃流俗傳聞之辭未必真修春秋時語

先蔑將左行

陳氏曰左

行之名 止此 二十九年饋之芻米禮也

孔氏曰聘禮卿饗餼五牢禾米與子男同

其附庸執帛與公之孤同則饗餼亦五牢禾三十車米二十車薪芻倍禾則此饋之芻米芻六十車米二十車

齊國歸父

孔氏曰公孫固序在齊上者益為大司馬尊於歸父歸父雖執齊政不廢身非上卿如管

仲之類猶文十七年陳公孫寧襄二十七年 秦小子憖

陳孔奐皆序在衛下杜云非上卿即此類也

孔氏曰經若貶稱人傳則言其名氏此若傳無名氏則本是微人此經書蔡人而傳無名氏此是實蔡之微者秦是大國小子慈名見於傳而在蔡微者之後若宋向戌之後會也今按秦伯爵國其大夫自合班蔡國大夫下非為後至成二年秦右大夫說在宋華元且謀伐鄭也陳公孫寧上乃楚人為之不可據以為例孔氏曰晉侯受命鄭伯傅王踐土與盟二會咸在鄭無叛晉之狀而此會謀伐鄭者城濮戰前鄭復如楚雖以楚敗之後畏威來會晉侯以大義受之內實懷恨此會鄭人不至必有背晉之心故謀伐之也晉語城濮戰下稱文公誅觀狀以伐鄭反其陣鄭人以名實行成公不許得叔詹將烹而舍之左氏無伐鄭之事今按下年傳載晉人侵鄭以觀其可攻與否則晉語所記伐鄭之事乃左氏所不取蓋其事與觀裸與塊同出于小說家而晉語又記叔詹諫鄭文公弗聽曰若不禮焉則請殺之事與晉侯伐鄭曰與我詹而師還相終始左氏亦無此

言蓋雖不能悉辨其誣而猶有所不取也

卿不書罪之也

陳氏曰傳釋會盟恒稱君大夫於是

特稱人內不書公罪

會伯子男可也

陳氏曰傳言卿猶無會公之禮而盟

王子經之所

三十年晉人侵鄭

陳氏曰不書舉重在圍

使醫衍酖衛

侯

孔氏曰周禮大司馬以九伐之法正邦國賊殺其親則正之鄭玄云正之者執而治其罪春秋僖二十八年

年晉人執衛侯歸之于京師坐殺其弟叔武如鄭彼言則衛侯合死而云罪不及死者衛侯之心疑叔武爾前

驅猷犬卜君意而殺之是則殺非公命也故不至死若然則衛侯無罪而往年衛侯與元咺訟衛侯不勝殺士

榮剛鍼莊子者用譏疑賢弟吾使爾為卿

傳見雖得請於王非殺元

咺及公子瑕則不得入

晉侯秦伯圍鄭

傳見晉侯秦伯書人秦軍

汜南

釋例土地名傳二十四年汜下云此南汜也周王出居于汜楚伐鄭師于汜襄城縣南汜城是也此

年汜下云此東汜也秦軍汜南晉伐共其乏困孔氏曰鄭師于汜滎陽中牟縣南汜澤是也

傳云一介行李杜云行李行人也昭十三年傳云行李以之命杜云行理使人李理字異為註則同周語行李以

節逆之賈逵云理吏也小行人也孔晁晉人許之陳氏註國語其本亦作李字然則兩字通用

宣四年鄭遂初聘于晉周制諸侯於天子有見有貢而穆公卒傳遂初聘于晉無聘問見則大行人朝覲以下

六禮貢則六服所貢之物小行人令諸侯春入貢是也諸侯於天子言聘乃東遷禮失之辭由職貢俱廢而後

以聘禮上問如邦交非成周之舊也自隱至僖天子遣使聘魯者六而魯始使人如京師傳言聘周於是始前

此魯人安受王朝聘問而不違一介如京師者先儒謂因王使之來厚其好貨而已蓋諸侯交聘王室古無其

事既職貢不歸則亦無名以往於是聘禮行故傳言將聘於周遂初聘于晉也及按昭十三年傳叔向言明王之制使諸侯歲聘以志業孔氏謂歲歲使於天子所以獻其貢賦修其職業其事是其名非循習失禮而為之辭雖叔向亦不能免也觀襄二十六年傳韓宣子聘于周辭曰晉士起將歸時事于宰旅王曰辭不失舊又周語簡王八年魯成公來朝使叔孫僂如先聘且告王孫說言其享覲之禮薄夫謂之時事謂之享覲之禮則諸侯於天子言聘非周制可知矣左氏能辨其是非故王制諸侯於天子比年一小聘三年一大聘五年一朝遂蒙傳文之失與聘義但言諸侯交聘者異矣鄭氏因之以釋大行人時聘殷類皆承誤踵訛非周官春秋之旨也黃文叔曰周官大行人諸侯朝天子之禮六天子聘問諸侯之禮六益無諸侯聘問天子之禮大宗伯曰聘曰問曰類曰視皆下交於卑者之言非諸侯尊事天子之義故小行人曰朝覲宗遇會同君



之禮也存類省聘問臣之禮也君之禮者諸侯朝覲天子也臣之禮者天子存問諸侯也鄭氏以時聘殷聘為諸侯聘問天子而不考大行人時聘殷聘間歸服賀慶致禮皆為天子使臣於諸侯之禮也其辨之亦明矣

### 三十一年使臧文仲往

趙伯循曰使臧文仲往不合不書且二十二年執曹伯不應四

年方分其地今按上書公子遂遂如晉亦不應更使一卿如晉受田據傳言晉必親具共是晉大夫疆理曹田以分諸侯文仲至分田處受之非以使禮如晉故不書于策踐土後伯主有尋盟討戴之事經四年無足疑外傳記其事甚詳齊西田說者疑非曹地鄭熊氏曰魯之濟西北曹北比晉傳必有據爾

**牛卜曰曰牲**孔氏曰上云卜其牲日則牲之與日俱卜之也必當先卜牲而後卜日卜得吉日則改牛為牲然則牛雖卜吉未得稱牲牲是成用之名不可改名為牲更卜吉凶明知卜牛在卜日之前也此言

免牲是已得吉日牲既成矣成七上怠慢也魯郊非常

年乃免牛是未得吉日牲未成也也然則曷祭祭泰山河海鄭玄以

非不郊亦無望可也

為望者祭山川之名諸侯之祭山川在其地則祭之非其地則不祭且魯竟不及於河禹貢海岱及淮惟徐州徐即魯地三望謂淮海岱也賈逵服虔以為三望分野之星國中山川今杜亦從之今按書舜典言望于山川不及星辰周禮典瑞言祀地旅四望次及祀日月星辰次及祀山川三祀皆不同玉不同時蓋星辰隨天運行不可及與山川同望祭而山川之特祀者其禮殺又與方望不同也鄭玄以五岳四鎮四瀆釋四望蓋推經文言之公羊釋三望近之而未盡杜氏承賈服之誤以為分野之星國內山川皆不知有周禮蓋魯郊不敢盡同於天子視天子四望而缺一為三望所缺者必對方一望以其遠絕故也若鄭氏以三望為竟內山川則又不

察魯郊之僭趙衰為卿晉語公使原季為卿辭曰夫三

大矣不可廢也註原季趙衰也三德謂勸文公納王以

示臣義伐原以示信大蒐以示禮又曰狐毛卒趙衰代

之辭曰城濮之役先且居之佐軍也善不可廢也且臣

之倫冀鄭胥嬰先都在乃使先且居將上軍公曰趙衰

三讓其所讓皆社稷之衛也廢讓是廢德也以趙衰之

故蒐于清原作五軍使趙衰將新上軍冀鄭佐之嬰將

新下軍先都佐之子犯卒蒲城伯請佐乃使趙衰佐上

軍註蒲城伯先且居也今按傳言命趙衰為卿讓於樂

枝先軫語云使樂枝將下軍先軫佐之是下軍將佐皆

卿矣此晉六卿之始也傳云趙衰為卿語云將新上軍

是上下新軍帥皆卿

也晉於是八卿

三十二年晉楚始通陳氏曰傳見

夏抑主齊盟將殯于曲沃孔氏曰殯置西序亦是下

之漸故曰始

棺於地故殯為窆棺晉武公

春秋左氏傳補註

十八

自曲沃而無晉國曲沃有舊時宮廟故公卒而往殯焉  
禮諸侯五日而殯按經文以巳卯卒庚辰是卒之明日  
即將殯者以曲沃使出師於東門之外孔氏曰世族譜  
路遠故早行耳

為百里奚之子則姓百里名視字孟明也古人之言名  
字者皆先字後名而連言之其術兩必是名而乞白乙

或字或氏三十三年無禮必敗孔氏曰服虔云無禮謂  
不可明也

而但免胄呂氏春秋說此事云師行過周王孫滿曰  
過天子之城宜橐甲束兵左右皆下必古有此禮

成而加之以敏孔氏曰聘禮賓至于近郊君使卿朝服  
用束帛勞及聘事皆畢乃去賓遂行舍

於郊公使卿贈如覲幣是子墨衰經傳見晉子書人說  
來有郊勞去有贈賄也

書人非也失與侵獲百里孟明視陳氏曰孟明書師泰  
入圍滅異義同

不書

卻缺獲白狄子

陳氏曰傳見始書敗狄猶不書獲今按獲白狄史不書

楚師亦

歸

陳氏曰傳言經所以不書是役

王殺子上

陳氏曰為明年商臣弑楚子起傳

葬僖公

緩

劉氏曰杜氏欲讀緩以上為一句非也蓋欲遠僖公之薨在十一月則除喪在文二年十一月文納幣為

十二月則與傳合以明僖公為十一月薨獨不顧作主非禮也之語無所繫今按如長歷則辛巳四月十五日

癸巳二十七日而乙巳為十一月十二日大衍歷則辛巳癸巳皆在三月而乙巳為十二月十一日長歷自隱

元年至文元年三十四閏大衍三十六閏蓋春秋周歷本差而後世追算又互有得失杜氏惟據長歷釋經遂

以此年十二月所書四作主非禮也

說在文

特祀於主

孔氏曰文二年公羊傳曰主者曷用虞主用桑練主用栗鄭玄註禮用公羊之說以為虞已有主此傳稱祔而

作主者虞而作主禮本無文不可以公羊而疑左氏也  
又曲禮疏曰說公羊者朝葬日中則作虞主鄭君以二  
傳之文雖異其意則同皆是虞祭總了然後作主去虞  
實近故公羊上繫之虞謂之虞主又作主為祔所須故  
左氏據祔而言今按檀弓曰重主道也殷主綴重焉周  
主重徹焉雜記曰重既虞而埋之蓋虞為喪祭祔為吉  
祭喪祭用重吉祭用主何則雜記士三虞大夫五諸侯七最  
將埋重必預作主則雜記士三虞大夫五諸侯七最  
後虞皆用剛日卒哭祭他用剛日明日始祔神不可一  
日無所依也重與桑主不並立者神依於一也以此主  
之作猶是虞日故謂之虞主以吉祭自祔始故曰祔而  
作主士虞記曰桑主不文吉主皆刻而謚之謂練主為  
吉主者後常奉事于廟不復易也外傳周語襄王錫晉  
文公命晉侯設桑主布几筵韋昭註云自以子繼父用  
未逾年之禮也左氏不言虞練異主鄭氏通二傳為一  
已得之使有朝葬日中作虞主之禮則何氏必援以為

說是蓋公羊學  
者妄言之耳

### 烝嘗禘於廟

趙伯循曰傳見前後經文  
惟有烝嘗禘三名以為祭

名盡於此殊不知春秋所記祭祀惟記其失禮者於祠  
祠無失禮所以不記陳氏曰桓五年傳例亦止及烝嘗  
按魯頌曰春秋匪懈享祀不忒又曰秋而戴嘗夏而福  
衡則魯備四時之祭凡例非也朱子曰左氏烝嘗禘於  
廟與王制喪三年不祭者不合今按喪不貳事貳則忘  
哀必無釋喪服而衣祭服之理或是大臣攝行亦無文  
可據東遷禮失喪祭尤甚如襄公十六年春葬晉悼公  
傳言改服修官烝于曲沃皆是當時之事非必周制則  
然杜氏遂據以為諸侯卒哭  
以後時祭不廢之證非也

春秋左氏傳補註卷三



欽定四庫全書

春秋左氏傳補註卷四

元 趙汭 撰

文公

元年内史叔服

孔氏曰傳稱内史叔服内史於周禮為中大夫天子大夫例書字

於是

閏三月非禮也

孔氏曰僖五年正月辛亥朔日南至治歷者皆以彼為章首之歲漢書律歷志

云文公元年距僖五年辛亥二十九歲是歲閏餘十三閏當在十一月後而在三月故傳曰非禮也志之所言閏當在此年十一月後今三月已即閏是嫌閏月大近前也杜以為僖三十年閏九月文二年閏正月故言於歷法當在僖公末年誤於今年置閏嫌置閏大近後也杜為長歷置閏疏數無復定準凡為歷者閏前之月中

氣在晦閏後之月中氣在朔僖五年正月朔旦冬至則四年當閏十二月也杜長歷僖元年閏十一月五年閏十二月與常歷不同者杜以襄二十七年再失閏司歷過昭二十年二月己丑日南至哀十二年十二月僉云火猶西流司歷過則春秋之世歷法錯失所置閏月或先或後不與常同杜惟勤經傳上下日月以為長歷若日月同者則數年不置閏月若日月不同須置閏月乃同者則未滿三十二月頻置閏所以異於常歷故釋例云春秋日有頻月而食者有曠年不食者理不得一一如算以守恒數故歷無有不失也據經傳微旨考日辰晦朔以相發明為經傳長歷未歸餘於終孔氏曰歷之必得天蓋春秋當時之歷也歸餘於終上元必以日月之全數為始於前更無餘分以此日為術之端首故言履端於始也朞之日三百六十有六日謂從冬至至冬至必滿此數乃周天也劉炫云一歲為十二月猶有十一日有餘未得周也分一周之日為十二月則每月

常三十日餘計月及日為一月則每月唯二十九日餘  
前朔後朔相去二十九日餘前氣後氣相去三十日餘  
每月參差氣漸不正但觀中氣所在以為此月之正取  
中氣以正月故言舉正於中也月朔之與月節每月刺  
一日有餘所有餘日歸之於終積成事則不悖孔氏曰  
一月則置之為閏故言歸餘於終事則不悖孔氏曰  
月中氣在朔則斗柄月初已指所建之辰閏前之月中  
氣在晦則斗柄月末方指所建之辰故舉月之正在於  
中氣則斗柄常不失其所指之先且居胥臣伐衛陳氏  
次如是乃得寒暑不失其常先且居胥臣伐衛陳氏  
言經書晉侯杜氏從告非是今按傳言晉襄公告于諸  
侯而伐鄭及南陽雖中道朝王使大夫伐衛經改正之  
與之以晉師圍戚陳氏曰伐國不言圍邑衛孔達帥師  
繼伯也晉師圍戚例在僖十八年後倣此衛孔達帥師  
伐晉陳氏曰傳見曰成乃瞋孔氏曰禮葬乃加謚桓譚  
衛孔達書人曰成乃瞋孔氏曰禮葬乃加謚桓譚

尸冷乃瞑非由謚之善惡也

### 卑讓德之基也

孔氏曰何休膏肓以為三年之喪使卿出聘於

義左氏為短鄭康成歲云周禮諸侯邦交歲相問殷相聘世相朝左氏合古禮何以難之劉氏曰左氏見當時

諸侯廢喪而聘故推以為禮杜氏見左氏有得禮之言遂推以當喪而吉皆反經越禮不可以教後世今按結

外援衛社稷春秋亂世之事也傳惟見此年夏葬僖公冬公孫敖教如齊宣十年夏葬齊惠公冬齊侯使國佐來

聘遂推以為例其言凡君亦指當時之事爾非謂周制則然以周禮邦交合左氏乃康成之失謂傳例為周公

之法自杜氏之謬爾古者吉凶不相干故三年之喪不祭而何相聘問之有

### 二年秦孟明視

### 帥師伐晉

陳氏曰傳見孟明視書師

### 不登於明堂

孔氏曰鄭玄以為明堂在國之陽與

祖廟別處左氏舊說及賈逵盧植蔡邕服虔等皆以祖廟與明堂為一故杜同之

### 書不時也

何氏

曰禮作練生當以十三月令按僖公祥練本在元年十月過兩月始作主以練祭後期也特書作主則祭不以時可知傳不言作練主故杜氏以過葬十月釋之然非也果如此則自虞後卒哭與祔皆無主凡几筵十月神無所依甚非以厭之也傳釋處諱之也大體中為變人情當從何氏

例魯史無不書公行之法傳於昭公在晉晉人止公亦曰諱之知史有諱義而不知有筆削之旨堪其

事也

陳氏曰傳言會未有書大夫者於是初書士穀今按晉司空非卿見成二年受一命之服非卿而書

者列國尊伯主命春秋辭從主人見晉卑諸侯傳謂堪其事非也

執孔達以說

史非晉執

逆祀也

杜氏曰文公二年僖公之喪未終未應行吉禘之禮而於大廟行之其譏已明徒以躋僖而退

閔故特大其事異其文定八年亦特書順祀皆所以起非常也有事于武宮及順祀傳皆稱禘則知大事有事

于大廟亦禘也孔氏曰禘祭之禮諸廟已毀未毀之主皆于大祖廟中以昭穆為次序父為昭子為穆大祖東向昭南向穆北向孫從王父以次而下祭畢則復其廟其兄弟相代則昭穆同班近據春秋以來惠公與莊公當同南面西上隱桓與閔僖亦同北面西上僖是閔之庶兄繼閔而立昭穆雖同位次閔下今升在閔上故書而譏之今按魯人改祫為禘既用禘則不復用祫二傳蓋不知此義故公羊以大事為大祫穀梁以為祫嘗若魯語以為烝則與經書八月時制自不合故韋昭註謂魯文公三年喪畢之禘本左氏學者之說也其釋逆祀升僖於閔三傳初不異而昭穆之說註家不同公羊云先禘後祖穀梁云先親後祖謂僖為禘為親而閔為祖與左傳子雖齊聖不先父食語意畧同皆謂閔祖而僖禘也穀梁又云逆祀則是無昭穆無昭穆則是無祖也與魯語宗有司曰非昭穆同皆謂閔昭則僖穆也夏父弗忌曰明者為昭其次為穆何常之有是欲以僖為昭

閔為穆也故韋昭釋之曰父為昭子為穆僖為閔臣臣子一例而升閔上故曰非昭穆是則傳所謂逆祀者謂顛倒其昭穆南北之位也孔氏不考外傳及公穀傳文反取何氏註謂兄弟相代昭穆同班惠公與莊公當同南面西上隱桓與閔僖當同北面西上僖是閔之庶兄繼閔而立昭穆相同位次宜在閔下則是以逆祀為升其同班上下之次而已何氏又謂僖以臣繼閔猶子繼父故閔公於文公亦猶祖也說者不詳遂以三傳昭穆父祖為引喻之辭由不知以為人後者為之子之義斷之遂與經傳之旨相悖然何氏昭穆之說他無所據漢廟制以孝惠孝文俱為穆孝昭孝宣俱為昭何氏益推漢事以說春秋自晉及唐宋禮官之議皆以兄弟不相為後不得為昭穆反引何氏孔氏之說以春秋躋僖公為證其所以為疑者則曰若兄弟相代昭穆即異設令兄弟四人皆立為君如商祖丁齊桓公之後則祖父之廟即已從毀後立者將不得祭矣然又慮同昭穆而並

立廟則七廟五廟將不足以容於是以天子之廟而有同室異座之制有皇伯祖考之稱其說至今猶未定也竊嘗以諸侯之禮推之諸侯絕宗而兄弟不得以其屬通者所以重正統也公子不得禰先君故別子為祖者所以尊宗廟也然公子不得宗君而為人後者得為之子不得禰先君而以為人後之義得禰所受國之君皆禮之變也兄弟本不得相為後而亦以為人後之義治之者為諸侯上必有所承下必有所授上無所承謂之篡下無所授謂之絕受人之國而絕其後是篡也故非為後則不得受國變而不失其中也既謂所受國者為禰則兄弟四人相及各禰其禰即同四世一昭一穆祖孫迭遷皆以受國為人後為重也使非受國為人後則支子自無干正統承宗廟之理安可以後立不得祭其祖為嫌而輕受國之恩昧為後之義乎然則祖丁齊桓四子代立祭享宗廟與父子四世相承者何異使其世有適嗣亦終不免於祧安可以廟毀於子而昧其子有



貴賤本不當俱立乎後世受國與天下者遂廢為人後之禮其忘君臣之義以輕正統亂昭穆之法以瀆宗廟皆流俗不經之論使然而其失由漢文帝始漢文自藩邸入繼大統不後惠帝而禰高祖其後遂以惠帝文帝共為一代則同室異座皇伯祖考之無稽皆末流所必至也若謂兄弟同班立廟將無所容則不得為昭穆之說非禮意明矣以三傳所釋相同必有所本而註家自汨亂之使議禮者失其所依故不可無辨 猶上

祖也

孔氏曰宋為王者之後得祀殷之先王帝乙之廟不毀者蓋以為其所出故特存焉周制王子有功

德出封者得廟祀所出之王魯以周公故得立文王之廟襄十二年傳稱魯為諸姬臨於周廟周廟文王廟也鄭之桓武世有大功故得立厲王之廟昭十八年傳稱鄭人救火使祝史徙主祔於周廟周廟厲王廟是也今按傳言宋祖帝乙與言鄭祖厲王同蓋自微子桓公不先父食言之王者之後雖曰得祀先王其廟祭之禮今

不可考或謂宋當祖湯疑傳妄則又全類王者故孔氏惟以不毀之廟釋之魯鄭所出王廟乃東遷後僭禮事與宋祀帝乙不同傳並舉宋鄭已非孔氏遂謂魯鄭有周制則幾於誣矣凡傳所言春秋時越法變禮皆指為周制乃左氏謂之崇德趙伯循曰聖人不以秦穆悔過學者之通弊謂之崇德而卑中國陳氏曰大夫將猶稱

人也自陽處父專將書大夫今按書存秦誓如詩錄秦風與修春秋事體不同左氏尊秦蓋當時流俗之論唯後傳於此禮之始也范甯曰喪制未畢而納幣非禮也妙得經旨禮之始也葉氏曰僖公薨以十二月杜氏以

為月誤當為十一月今以冬納幣審十二月猶在禫則納采在三年之內矣反為禮乎諸侯娶元妃固有時而左氏以即位為節尤見其妄三年在上曰逃陳氏曰例辭來赴弔如

同盟禮也

孔氏曰謚之為文必當有爵不書爵者畿內之國不得外交諸侯其臣不敢赴魯必天子

為之赴赴以王子為親不復言其爵也陳氏曰傳稱同盟謂同方岳之盟故於滕杞薛發傳傳其微者也他非同盟來赴錄之故於王子虎發傳傳其著者也今按傳言同盟指當時諸侯會盟而言王子虎踐土翟泉實盟諸侯故赴弔用

### 秦伯伐晉

陳氏曰傳見秦伯書人

子桑有焉

此亦以成

敗論人春秋正誼不謀利明道不計功左氏不足以此秦穆修怨乃中國之罪人說見屬辭晉先僕

伐楚以救江

陳氏曰併入下文書且見先僕非卿師師不書他故此今按將卑書人師衆書師史

之恒 伐楚以救江

經書陽處父帥師為大夫將書大夫之始不以救江累王室故沒王叔不

書且明征伐在大夫譏不及王叔也杜陳說皆非孔氏曰王叔文公不知何王之子字叔遂以叔為氏桓公是其子王叔陳生是其後也衛有公叔文子此人蓋以王叔為氏也

四年故免之

陳氏曰終元年

傳

過數

孔氏曰哀十年傳稱齊人弒悼公赴於師吳子三日哭于軍門之外鄰國之數蓋三日也

五年來會葬禮也

何休膏肓以為禮尊不舍卑又不兼二禮左氏以為禮於義為短鄭康成

箴云禮天子於二王後之喪舍為先禭次之賵次之賻次之於諸侯舍之賵之小君亦如之於諸侯臣禭之諸侯相於如天子於二王後於卿大夫如天子於諸侯於士如天子於諸侯臣何休云尊不舍卑非經意其一人兼歸二禮亦是為譏孔氏曰按禮雜記諸侯相弔之禮含禭賵臨同日而畢與介代有事焉不言遣異使也康成以為譏一人兼二事者非左氏意杜氏曰凡妻子為君其母猶為夫人雖先君不命其母母以子貴其適夫人薨則尊得加於臣子內外之禮皆如夫人矣故如氏之喪責以小君不成成風之喪王使會葬傳曰禮也劉氏曰庶子為君為其母無服不敢貳尊者也妾母稱夫人王不能正而又使公卿會何禮之有今按王室成諸

侯妾母之喪歸、贈舍會葬經於王皆不稱天以示譏與  
錫桓公命同而三傳皆不能辨左氏反以為禮杜氏釋  
例又以母以子貴之義傳會為凡何氏知不稱天為刺  
失禮矣而其所謂失者惟以至尊行卑事為譏則以母  
以子貴之說實出於公羊故也

**楚成** **大心** **仲歸**

陳氏曰

劉侍讀以喪服義駁之當矣

大心書人例在

**滅蓼**

蓼六之別封不書併滅六

**哀哉**

傳於文五年錄臧文仲語成七

年錄季文子語昭十六年錄叔孫昭  
子語皆見中國無伯而識者憂之

**六年以為常法**

孔氏

曰周官大師大傅大保天子三公也宣十六年傳晉侯  
請于王命士會將中軍且為大傅則大傅尊於中軍之  
將與大師皆為孤卿也周禮上公之國有孤一人王制  
諸侯三卿晉侯爵也而有三軍六卿復有孤二人者晉  
為伯主多置羣官共時所須不能如禮孤尊  
於卿法由在上故宣子法成授二孤使行之  
**秦伯** **任好**

卒

傳見秦卒葬猶未見於經

難必杼矣

服虔作紓紓緩也

班在九人

九等之班乃諸

侯取女立于通制隱元年公羊傳何氏註曰禮適夫人

無子立右媵右媵無子立左媵左媵無子立適姪弟適

姪弟無子立右媵姪弟右媵姪弟無子立左媵姪弟是

時諸侯取女立子雖不如禮而九等班位尚存故趙孟

得而言之與公羊立子以貴不以長之說合後世論讓

公子爭國者惟欲以年之長少定之宜不合於經也

偁姑而上之

孔氏曰譜以偁為國名地關不知所在

侵官也

晉殺處父呂殺意恢據傳

皆雨下相殺也左氏不知

有筆削之旨義與事違

晉殺續簡伯

非卿不告後倣此

七年

非禮也

陳氏曰傳言所以再書取須句

昭公將去羣公子

傳錄此語不言其故且昭

公未即位而先欲去羣公子殊不近人情或是當時交構之言或弑君者誣之以證成其無道耳史記宋世家

成公卒其弟禦殺世子而自立國人殺禦而立其少子  
杵臼是為昭公此蓋國亂之由傳偶不能備史亦不復  
詳也殺公孫固公孫鄭于公宮

孔氏曰經書宋人殺其大夫則此二子名氏當見於

經亦卿官也僖二十二年傳稱大司馬固於是又有司  
馬子魚上文樂豫為司馬下云六卿和公室六卿之外  
有此二子蓋是孤卿之官也宋是上公禮得有孤且春  
秋時不必如禮今按宋有司馬為卿又有大司馬者僭  
王朝夏官之制也陳氏曰固大司馬也見僖二十  
二年傳言穆襄之族率國人殺固鄭故書宋人

且言

非其罪也

陳氏曰傳釋大夫恒書名於是特不書名且釋不以國討為文今按不稱名說見後八年

秦康公

陳氏曰傳見秦康公書人

趙盾將中軍

陳氏曰傳見晉趙盾書人

先蔑將

下軍

上言先蔑如秦又言背先蔑以禦秦師則將下軍非先蔑傳誤明矣杜氏先蔑前還亦非既前還背

秦無用奔秦其奔秦以不與立靈公爾

敗秦師于令狐

不言敗經變文

盟于扈

陳氏

曰傳言諸侯不敘今按晉襄卒靈公幼趙盾以大夫主諸侯卒使晉不競於楚中國於是無伯故經變文以畧

之下又見十五年十七年

公後至故不書所會

劉氏曰公後至不書所會非也按經與公

盟矣何謂後會乎又稱公會諸侯矣宣不及其會者乎杜云公後其會而及其盟此飾非之言會盟同地會所

以為盟也今及其盟不得云後會且盟重會輕不當責其輕

辟不敏也

傳見公在不序諸侯遂通

桓十三年公會戰不書所戰為例使公誠後至諸侯固公所期經既書公會諸侯亦不得云不書所會至十五

年公實不會亦不序諸侯始發他義凡例無據明矣陳氏曰凡例併十五年凡例後人妄加之諸侯會公不與

豈得為君惡乎

八年自申至于虎牢之境

陳氏曰終元年疆戚田傳且言晉利諸侯



之以報令狐之役陳氏曰自是秦晉再交兵晉人以扈

之盟來討

傳發公後至例以此

珍之也

葉氏曰遂本以二事出故以壬午盟趙盾乙酉盟雒

戎相去四日非一事再見自不應去族何珍之云使經與其遂事則當書遂與雒戎盟于暴亦不得再見名氏經不言遂而傳言遂其妄可知今按襄仲是行一盟中

國一盟夷狄既不得用一事再見之例亦不當言遂杜

云遂不受命而盟故書以官

陳氏曰傳見邛不書名氏且言襄夫人因戴族以殺

邛故亦皆貴之也

陳氏曰傳釋凡奔皆譏也於是特書官劉氏曰握節而死亦大臣常事效

節而出自求免罪而已未見可貴之實趙伯循曰大夫二卿之死此救昭公之漸也四人皆忠於公而左氏謂之黨何謬耶按周官唯守邦國都鄙及出使有節六卿居官者未聞其有節也亦有六卿以王者後即周制也

司馬司城何節之云啖氏曰傳言此二人不失節致誤節義為符節如孔父義形於色而誤為女色也今按左氏不知宋大夫不名而書官乃夫子特筆見書司城則曰以其官逆之見書司馬則曰其官皆從不能闕疑而妄釋書法故九年使賊殺先克陳氏曰殺先克不書非其陋至此

殺也晉人殺先都梁益耳

傳見討亂稱人

未葬也

劉氏曰諸侯逾年尚稱公王者

逾年反不稱王乎毛伯求金非王命可知也書顧命曰伯相命士須材此則冢宰當國之文矣今按諸侯逾年稱公為不可曠年無君臣子辭也至於發號出令猶聽於冢宰三年白虎通義曰不曠年無君故逾年乃即位改元以紀事而未發號令也三年除喪乃即位踐阼為主南面朝臣下稱王以發號令也其說於周制得之左氏言既葬稱君考之晉人殺箕鄭父士穀蒯得孔氏曰不詳也又見屬辭

經則是卿也七年令狐之戰三軍將佐無士穀十二年  
河曲之戰三軍將佐杜註無代士穀者而士穀得為卿  
者先蔑奔秦傳無其代十二年樂盾將下軍註云代先  
蔑者據傳成文言之耳未必不是士穀代先蔑樂盾代  
士穀也箕鄭上軍將也傳箕鄭先士穀經士穀先箕鄭  
者經以殺之先後傳以位次序列傳蒯得居下知其以  
位次也或者晉於將佐之外別

楚子師于狼淵以伐鄭

有散位從卿若郤缺趙穿之類

陳氏曰傳見以懲不恪

葉氏曰比事觀之計諸國之救

楚子書人

聞五國來救而退亦豈可以不及楚師罪之陳氏曰傳  
釋晉嘗稱大夫於是特稱人且為晉失諸侯之漸今按  
傳意不及此陳氏所得

楚公子朱自東夷伐陳

陳氏曰併前役

由傳入每欲通傳於經

陳氏曰外敗不書例

獲公子蔑

例在僖三十三年後

做**楚子越椒**未賜族稱名與中以無忘舊好孔氏曰僖公成風服

除久矣今始來弔贈當以變禮待之何休膏肓云於禮既緩而左氏以為禮非也鄭箴云若以為緩按禮衛將軍文子之喪既除喪而越人來弔子游何得善之是古有以服終來弔者也十年取北徵陳氏

曰傳見秦殺鬬宜申陳氏曰傳見鬬宜申不書族遂及蔡侯次于厥

貉陳氏曰息會不書未驟以諸侯子楚也於是蔡實從楚故但書厥貉之次後見宣元年杜說非是今按十

四年新城之盟陳鄭皆在而蔡獨不與其會于息矯情紆急與宋同爾故息會削不書而厥貉書蔡侯此筆削

之權衡也春秋亦無予楚以伯麋子逃歸陳氏曰凡逃之義杜氏固非是陳氏尤失之夷狄不書今

按麋屬楚小國雖逃史不書十一年成大心敗麋師於防渚不書敗說在隱

四年即位而來見也

傳見諸侯喪畢不朝京師而朝大國

且言司城蕩意諸

而復之

陳氏曰凡大夫奔復之皆不書杜說非是

遂伐我

伐我不書以敗之為義

獲長

狄僑如

下言搃其喉以弋殺之則其人之長六尺之戈所可及也註長三丈乃據魯語與穀梁傳而意

之不能闕所不知若何休以為蓋長百尺則怪誕矣

以命宣伯

名其三子事見襄三十年鄭瞞

由是遂亡

劉氏曰經言狄不言長安知是長狄赤狄白狄姜戎山戎陸渾戎春秋書之未嘗畧至於

長狄何獨不書傳曰鄭瞞由是遂亡杜云長狄之種絕外傳仲尼對吳使者曰長狄氏今曰大人則孔子時長

狄更為大人不得言絕呂氏曰記敗狄于鹹于瞞侵齊之下非長狄明矣今按傳記長狄事甚異而此侵齊者

乃為鄭瞞而鄭瞞舉國皆長人則當書長狄以別之今經但書狄則鄭瞞非長人可知然得臣獲僑如以名其

子亦不可謂無其事據傳曰鄭瞞曰狄曰長狄製言有法蓋鄭瞞者狄國名而長狄自為一種服屬於鄭瞞者是時為鄭瞞驅以侵齊魯適為得臣所獲於法自不得書杜氏誤謂鄭瞞是長狄國名僑如為其國之君故說者因得以不書長狄排左氏為妄

十二年尊諸侯也

陳氏曰傳釋書法與邾庶其三叛臣

異今按此史文也左氏既不能別白學者又不知有辭從主人之義遂詆傳為妄過矣

始朝公也

孔氏曰劉炫云魯公新立鄰國及時來朝則曰公即位而來朝晚則云始朝公也諸侯自新立來及時者則云即位而來見晚則云始見伯主即位魯君往朝則曰朝嗣君魯君新立往朝大國則曰即位而往見也

公

許之

孔氏曰成五年有杞叔姬來歸故知立其娣為夫人也釋例曰杞桓公以僖二十三年即位襄六年

卒凡在位七十一年文成之世經書叔姬二人一人卒一人出皆杞桓公夫人也今按陳氏云復求其次不近

人不言杞絕也

說者疑杞絕叔姬非此子叔姬以前不書來歸傳又無子字卒不繫杞杜氏謂

未歸而卒則亦不當遽絕之遂排傳妄非也蓋叔姬不安於杞假歸寧以反故杞伯來請而後絕經不書始嫁

與來寧法與鄆季姬同卒不繫杞者既絕也經稱子叔姬者孔氏曰周人字法積叔故或加子以自異是也傳

不稱子亦省其可省者或時俗通稱也

言非女也

孔氏曰喪服女子既嫁而反在父母之室從本

服為之齊衰期此既書其卒當服其本服杜譜不知此叔姬是何公之女要姑與姊妹皆服期也

遂園

巢

孔氏曰世本偃姓舒庸舒蓼舒鳩舒龍舒鮑舒龔以其非一故言屬以包之

秦伯使西乞

術來聘

劉氏曰杜氏云術不稱氏史畧文非也內大夫未賜族者猶不氏安知此術非未賜族者乎

寡君敢辭玉

聘義曰以圭璋聘重禮也已聘而還圭璋此輕財而重禮之義也然則聘禮終必還

玉非不欲與秦為好也傳錄賓主辭令以見趙盾將中秦人之進於禮下云國無陋矣是也杜說非

軍

陳氏曰傳言秦伯晉趙盾見書人

交綏

孔氏曰司馬法云將軍死綏舊說綏却也言軍却將當死

綏必是退軍之名

明日請相見也

孔氏曰慙者缺之貌今人猶謂缺為慙也沈氏云方言云

慙傷傷即缺也

十三年以守桃林之塞

孔氏曰桃林之塞在南河之南遠處晉之南境

從秦適周乃由此路使詹嘉守此塞者以秦與東方諸侯遠結恩好及西乞聘魯亦應更交餘國慮其要結外援東西圖已故使守此

六卿相見於諸浮

孔氏曰六卿在朝旦夕聚

集而特云相見於諸浮者將欲密謀慮其漏泄故出就外野屏人私議諸浮當是城外之近地

其處者

為劉氏

陶唐氏之後為劉累累後為晉范氏士氏見襄二十四年昭二十九年傳及晉語

邾文



公卜遷于繹

陳氏曰凡自遷其國都不書

亦請平于晉

陳氏曰傳見諸侯猶有尊

晉之志

十四年故不赴

頃王崩葬不書說見莊十六年傳知史有不赴不書之例遂援王孫

爭政事以實之非也

晉趙盾

陳氏曰傳言趙盾見書人

納捷菑于邾

陳氏曰傳於齊糾小

白陽生邾捷菑莒去疾皆見不書奔譏不在奔故

遂殺鬬克及公子燮

楚殺大夫或不

告與中國異後倣此

貴之也

失與釋司馬司城書官同此獨書字則又誣以不義其君

十五年

宋華耦來盟

陳氏曰傳言華耦不書名

貴之也

葉氏曰諸侯相聘使介有常不聞其官皆

從也以此為貴豈春秋之意哉今按華孫者公子鮑之黨來盟蓋結魯以輔篡不稱使不名者非時君所使無所受命從史文也書官者夫子特筆使與八年書官者相首尾以異其事左氏於筆削之旨無傳惟穀梁傳曰

以其官稱無君之辭也明宋大夫之見殺者來奔者來盟者皆宋人無君之事蓋此經逸義也而為其學者不能發

**亞旅**

孔氏曰尚書牧誓司徒司馬司空亞旅成二年傳魯賜晉三帥三命之服候正亞旅受一

命之服皆卿後即次亞旅知是上大夫也

**古之制也**

劉氏曰尚書周官六年五服一朝不得於諸侯

亦五年一朝也大行人職曰凡諸侯邦交歲相問殷相聘世相朝此為得中今按曹伯文十一年來朝至十五年再來偶合五年之數傳遂

**卜人以告**

孔氏曰治邑大夫例呼為人孔

子父為鄆邑大夫謂之鄆人知此卜人是卜邑大夫

**親之道也**

孔氏曰祭敬者謂助祭於兄弟之家

盡其敬也喪哀者謂兄弟死喪之事竭其哀也情雖不同謂內相怨恨不能和同當無絕其愛是相親之道也

**貴之也**

陳氏曰傳釋外大夫未有書至者於是特書至說見後傳今按此史例也傳於史文有未詳輒

妄釋之蓋於魯史獲大城焉曰入之陳氏曰按襄十三年取郛之傳曰凡

書取言易也用大師焉曰滅弗地陳氏曰無能為故也傳釋盟

曰入陸氏纂例辨之矣今不取恒序諸侯於是雖伯主在焉說見與而不書後也七年十六

年及齊平陳氏曰凡平疾也趙伯循曰十二公除文公

無疾今按公疾不視朔必書史所以謹君疾重國政雖託疾亦書史無訐君以為直之義傳釋公四不視朔曰

疾也乃據史法言之然經既削其真有疾者則此為託疾亦可知矣左氏知史而不知經後儒又不思經本出

於史此筆削之義所以失傳所以服陞隲也孔氏曰劉炫云按楚世

冒子而代立是為楚武王則蚡冒是兄不得為父今知不然者以世家之文多有紕繆與經傳異者非是一條

杜氏非不見其文但見而不用耳劉以世家而規杜非也言服陞陞則陞陞本是他國蚡冒始服之也釋例陞陞與僖四年次于陞為一地潁川召陵縣南有陞亭楚自武王始居江漢之間則蚡冒之時未至中土不應已能越中息遠服潁川之邑疑非也

羣蠻從楚子盟

陳氏曰傳見楚子書人

夫人使

謂司城去公

傳序六卿於上而夫人但使司城去公則餘五人者皆鮑之黨也且知謀者也

使

帥甸攻而殺之

不書甸兵攻而殺之者時告辭略但以弑君赴也

蕩意諸死之

意諸來奔而請復無能為輕重雖死節不書嫌與荀息仇牧比

君無道也

劉氏曰如傳所說則公子

鮑為不臣襄夫人為不母而昭公未有無道之實也傳曰君雖不君臣不可以不臣不得輕此兩人之罪反專惡宋公王申子曰君父天也宣臣子較得失之地乎今按明年四國伐宋傳記晉人討罪之辭而譏其猶立文

公晉語記趙宣子請師於靈公以伐宋曰宋人弑其君  
晉為盟主而不修天罰將懼及焉公許之必有據矣獨  
於昭公見弑始終加以無道與所序之事自相反何也  
當時列國皆政出大夫其士民知有大夫而不知有君  
謂晉趙盾弑君為良大夫而宋昭公見弑為無道皆弑  
君者子孫設辭以分惡殺恥左氏不能辨遂援以釋經  
且立以為例後見宣  
四年襄三十一年

### 蕩虺為司馬

傳見惟殺蕩意諸  
右師以下皆在位十

### 七年失其所也

陳氏曰傳釋四國之大夫書人不予以  
討賊之義晉自是凡三大舉皆書人見

宣元年二年十年十年今按襄二十五年夷儀之會晉受賂  
不討齊弑君者而經序諸侯無異文劉氏諸儒因以駁  
傳卿失所稱人為非考之於經凡諸侯盟會  
皆從其恒稱義與大夫不同不得以彼證此  
無功也陳氏  
曰傳釋會恒序諸侯於  
相及於絳孔氏曰歸生對晉稱  
是雖伯主在馬亦不序  
已君當云寡君之二

三臣此言孤者蓋鄭伯身自對晉或  
自稱孤歸生因即以孤言其君也  
趙穿公壻池為質

焉

陳氏曰傳言晉之不競

乘其飲酒也

陳氏曰為成元年王師敗起傳

十八年乃

謀弑懿公

稱人從赴例在十年杜陳說皆非

諱之也

傳見惡不書弑杜陳說皆非既葬未

踰年不稱君當以公羊為正劉氏曰杜云先君既葬不稱君者魯人諱弑以未成君書之非也假令不諱遂書公薨乎一年不二君之義何所施此

僕因國人以弑紀

公

陳氏曰傳言僕弑紀公而書國

宋公弑母弟須及昭公子

陳氏曰討亂雖殺母

弟不

以靖國人

孔氏曰世本云戴公生樂甫術術生碩甫澤澤生夷甫須須生大司寇呂令云

魯孫

誤也



春秋左氏傳補註卷四